

猗觉寮杂记

朱翌

文硕阁

wenshuoge.com

目录

关于我们	3
提要	5
猗觉寮襍记原序	6
猗觉寮杂记卷上	7
猗觉寮襍记卷下	27

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案猗觉寮杂记二卷宋朱翌撰翌字新仲号澹山居士舒州人政和中登进士第南渡后官中书舍人此编上卷皆诗话止于考证典据而不评文字之工拙下卷杂论文章兼及史事近时鲍氏知不足斋刻本割其下卷六十八条移入上卷以均篇页殊失古人著书之意矣前载与丞相洪适求序书一篇鲍氏移之卷末亦非其旧也适未及作序而卒其弟迈始为序之称其穷经考古上撷风雅旁弋史 刘克庄后村集中亦极称其考证之功今观其书如杜甫已上人茅斋诗天棘蔓青丝句据本草改为颠棘未免穿凿苏轼诗宜蚕使尔茧如瓮句事出列仙 而引伪托之述异记韩愈谢自然诗实属唐人乃云出风俗通杜甫李潮八分小篆歌诸本皆作苦县光和尚骨立乃悞作骨力引南史张融事为证鹄填河事见颜氏家训及庾肩吾诗又见白居易六帖乃与亲家等字一槩谓之俗説【案马缟中华古今注亦以鹄填河为出俗説然俗説乃沈约所著书名见于隋志】苏辙诗 仍存小序首一句乃屡谓之废序唐虞自是国号乃云尧姓唐舜姓虞皆不免于疎舛至于雷琴一条引元稹诗注证为蜀匠又贺若一条引唐书王涯 证为贺若夷不知段安节乐府杂録称贞元中成都雷生善凿琴其业精妙天下无比弹者亦众焉太和中贺若夷尤能后为待诏对文宗弹一调上嘉之赐朱衣至今为赐绯调云云固俱有明文不须旁证亦未为能究根柢然其引据精凿者不可殫数在宋人説部中不失为容斋随笔之亚宜迈序之推重也乾隆四十五年四月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

猗觉寮襍记原序

右上下两卷凡四百三十五则故紫微舍人桐乡朱先生公所记也先生嗜学如渴之须饮饥之须食所谓以图史文章为园囿鼓吹者盖无时不论著在曲江五闰久闭闕谢客正流落谪徙力不能多载书人家又非一瓠可借素手无挟栖迟僧房独依俛穷经考古砭刮疵病校量草木虫鱼上撢骚雅旁弋史传证引竺干龙汉诸章下及琐录稗说左掇右悉为吾用识测意见超阅众甫每一转语就学者争先快覩方惕若避谤不肯轻为人言惟诸郎过庭时得剽听善恶天定然后始收拾彙次绪成一编迈与文惠文安两兄时省覲真阳歲必过韶踵门内谒先生视如通家子弟引而馆之赐之诗有曰彭蠡春生万顷湖光明相映棣华柎鵷雏鵷俱为鳳乳酪醖醕总是酥忽忽五十年仲子軹通守贛刊此书使为之序防山毫芒昔者窃闻之矣文惠丐发明释答之云尝作一书如诗话之类辨证古今数百事目之猗觉寮记他日求数字冠篇首使信于人托以传永呜呼孰知不及为而顾以见属悲夫庆元三年四月九日焕章阁学士宣奉大夫魏郡公番禺洪迈序

与洪相求序书【附】

某蒙宠示释畧窥用心至到古今未有此学不久矣前輩收金石刻世不乏不專于也况究其字画音释哉非公好古博雅必不及此后学一阅心目晓然使上下数千年文章深健之风不泯其惠甚大别纸数字仆何足以知之谨当致思以助成书续奉闻以恐不始于秦亦不自程邈为之先录此一段去未敢以为是也某尝作一书如诗话之类辨证古今数百事目之猗觉寮记他日录以求教倘以为可则望数字冠篇首使信于人且托以永久也伏幸鈞照

猗觉寮杂记卷上

杜牧之云南军不左邊四老安刘是灭刘其意以爲四老辅立太子爲非何不思之甚也惠帝嫡且长爲太子无过即位之后能守高祖规模亦可谓贤矣安能料其身后汉有吕氏之祸也哉使惠帝不可立张良决不肯从吕后之请又岂肯起四老人哉南军不袒左袂意谓周勃入北军时设有不袒者奈何此儿童之见也勃所虑者不得入北军耳既入则无事矣勃之设问必已得北军之情万一不左袒必有后段岂若世之庸人无思虑者牧之可毋虑也又元微之四皓云秦皇转无道谏者鼎鑊亲茅焦脱衣諫先生无一言赵高杀二世先生如不闻刘项取天下先生卧白云海内八年战先生全一身如何一朝起屈作储贰寔安存孝惠帝摧頽戚夫人舍大以诛细蛇盘而螻伸惠帝竟不嗣吕氏祸有因与牧之意同微之责人太深过于牧之惠帝爲太子无过岂可劝立戚夫人之子如意哉乐天答云先生道甚明夫子犹或非微之岂不慙耶晋桓作四皓论示殷仲堪亦微之意仲堪辟之其言极有理

杜云自在娇莺恰恰啼说诗者谓恰恰莺声也广韵云恰恰用心啼耳非其声也

陈无己平生尊黄鲁直末年乃云向来一瓣香敬爲曾南丰人或疑之不知曾子固出欧公之门后山受业南丰此诗乃颍州教授时观六一堂图书作爲南丰先生烧香宜哉

笔谈云王维画入神不拘四时如雪中芭蕉故惠洪云雪里芭蕉失寒暑皆以芭蕉非雪中物岭外如曲江冬大雪芭蕉自若红蕉方开花始知前辈虽画史亦不苟洪作诗时未到岭外存中亦未知也

子美槐叶冷淘云君王纳晚凉此味亦时须事见大官令夏供槐叶冷淘出唐六典

世谓燕子秋分即去之海上海上有燕子国如小说所谓乌衣国者是大不然往往入于深岩穴枯木中向寒不复出泥涂其身毛羽皆脱至春暖即生羽飞去晋郗鑒爲兖州刺史掘野防蛰燕食之终无叛者此可见矣元防之云有鸟有鸟名燕子口中未省无泥滓春风吹送廊庑间秋社吹将嵌孔里亦其据也

退之忆昨行驿马拒地驱频隤蜀人谓立地爲拒地立地者不容少休之意

永贞行皆顺宗时伾文事其言元臣故老不敢语昼卧涕泣何汎澜谓高郢郑珣瑜杜佑辈郎官清要爲世称荒郡迫野嗟可矜谓柳子厚谪永州

退之云长安富豪儿盘饌罗羶荤不解文字饮惟能醉红裙虽然一饷乐有如聚飞蚊楞严经云一切众生如一器中聚百蚊蚋啾啾飞鸣于方寸中鼓发狂鬧退之虽辟佛然亦观其书

唐新史以退之自监察御史极论宫市德宗怒贬阳山令皇甫湜爲退之神道碑云贞元十九年关中旱饥人死相枕藉吏刻取息先生列言天下根本民急如是请寬民徭免田租之弊专

政者恶之斥为阳山令退之赴江陵途中诗云是年京师旱田亩少所收云云传闻闾里间赤子弃渠沟持男易斗粟掉头莫肯酬我时出衢路饿者何其稠云云适余除御史诚当得言秋拜疏移阁门爲忠宁自谋又云僂俛不回顾行行诣连州则因论旱贬阳山无疑不知史何据而云论宫市

鲁直与高子勉云尊前八米句 下十年书徐师州与潘邠老云字直千金师智永句称八米继卢 齐文宣崩文士各作挽诗十首择其善者用之每人不过一二首惟卢思道独得八首时人称为八采卢 米字盖采字之误也十首中采择八首耳若作米无义理诗人不之考相袭以爲八米盖言精凿失之甚矣元防之酬乐天云八采诗成未伏卢可证采字爲是

琴曲有贺若最古淡东坡云琴里若能知贺若诗中定合爱陶潜以贺若比潜必高人或谓贺若弼也考弼之爲人殊不类潜亦无状小人背乌丸轨之议而轨见诛争韩擒虎之功至挺刃而出不平杨素爲相而有惟堪防饭之诮至于富极贵盛家积珍玩不可计婢妾罗绮数百卒以私议大帐爲炀帝所诛余考之盖贺若夷也夷善鼓琴王涯居别墅常使鼓琴娱賓见涯传文莹湘山録载太宗爱宫调中十小调子乃贺若弼所撰其声音及用指之法古今无以加世亡其名琴家祇命曰贺若文莹不深考遂以爲弼而世因是遂传以爲弼也东坡序武道士弹琴云贺若宣宗时待诏不知何所据据序则是姓贺名若

依稀似曲还堪听又被风吹别调中高骈风筝诗也上句云夜静弦声响碧空宫商信任往来风骈守蜀因筑罗城朝廷疑之知有移命故托风筝以见意后移渚宫出 言

杜云鳳凰从东来何意复高飞竹花不结实念子忍朝饥张文潜石竹云真竹不结实尔独艷阳春竹花皆实岂有时不实如防稗耶子美以鳳不得食爲可怜耳

苻坚享羣臣赋诗姜平子诗有丁字直不曲坚问其故平子曰臣丁至刚不可以屈且曲丁不直之物未足献遂擢上第唐张洪靖节度卢龙参佐韦雍辈诟责将士曰天下无事尔辈挽两石弓不如识一丁字后遂杀雍丁字一也或以擢第或以杀身

东坡孔毅夫集句云路傍拾得半段鎗何必开炉铸矛防用之如何在我尔入手当令君防魄哥舒翰以半段鎗破吐蕃见本传

唐人诗多自用名及呼人名与第行皆情实也杜云甫昔少年日白也诗无敌退之云愈昔从军大梁下籍也陇头洸之类今皆不然不特不自呼其名若呼人名则必取大怨怒世道浅促至诚之事扫地矣

退之云我有双酒盏其银得朱提汉地里志注朱提出银师古云提音匙汉食货志朱提银重八两爲一流直一千五百八十他银一流直一千是爲银货师古注朱音殊提音上支反蜀李严传严子丰爲朱提太守注云苏林汉书音义云朱音铢提音如蜀人谓 曰提从师古音则提字可入支字韵押

有问唐酒价者对以三百引杜诗速来相就饮一斗恰有三百青铜钱唐酒价见于唐会要贞元二年京城酒斗百五十比子美时已减其半汉昭时卖酒升四钱又何贱也岂古之升斗小耶

古今人以诗名世者用字未尝无所出杜诗嫩蕊商量细细开商量字出兑卦商兑注子美自云读书破万卷信矣

唐雷氏琴至今有存者皆至宝也见于文字者惟元微之小胡笳引注云桂府王推官出蜀匠雷氏金徽琴请姜宣弹方知雷葢蜀人也

李杜诗当时名公皆心服退之云勃兴得李杜万类困凌暴又云少陵无人谪仙死才薄将柰石鼓何又云昔年曾读李白杜甫诗常恨二人不相从又云李杜文章在光焰万丈长又云远追李杜感至诚杜牧之云李杜泛浩浩又云天外凤凰谁得髓无人解合续弦胶韦苏州亦多称颂元微之则云杜甫天才颇绝伦每寻诗卷似情亲怜渠直道当时语不着心源傍古人又与乐天书云得杜诗数百首爱其浩荡津涯处处臻到始病沈宋之才不存寄兴而讶子昂之未暇旁脩乃不及太白何也

荔子汉和帝时取之南海唐天宝时取之涪元和中取之荆南见元防之论海味表太平御覽妃子生于蜀好荔子岭南每歲飞驰以进则涪不进久矣文粹鲍防杂感诗云五月荔子初破顏朝离象郡夕函關雁飞不到桂阳岭马度皆从林邑山则唐又取于广西

张曲江爲李林甫所忌甚危曲江作归燕诗赠之云无心与物竞鹰隼莫相猜林甫意稍解陈文惠用吕申公荐入相久文惠作新燕词歌以侑酒云为谁归去为谁来主人恩重珠帘卷燕子一也或以解怨或以感恩

舞马既登牀人皆谓马舞牀上乐府杂録云有马舞者梳马人着防衣执鞭于牀上舞躡蹄皆应节是登牀而舞乃馭者而马应节于下也唐子西作舞马行云天宝舞马四百蹄防牀衬步不防泥误矣按魏志陈思王上文帝表曰臣于武皇世得大宛紫骝马一匹教令习拜今已能拜又能行与鼓节相应是知马可教以舞不独唐也

燕作巢避戊巳日又恶艾雀欲夺其巢则衔艾在其中燕即去见白乐天集顾况燕于巢诗序云不以甲乙衔泥其诗云燕燕于巢缀缉维戊与乐天所言不同

退之此日足可惜赠张籍云闻子高第日正从相公防夜闻汴州乱绕壁行旁皇我时留妻子仓卒不及将退之从董晋辟汴州掌书记晋死退之送丧至洛晋死八日而汴州乱杀留后陆长源判官杨凝等退之幸而去贤者必阴有所防持也

退之寄周循州云陆孟丘杨久作尘同时存者更谁人金丹别后知传得乞取刀圭救病身四人皆董晋幕中同官陆长源孟叔度丘穎杨凝退之戒人服丹其言甚切乃乞丹于循州乐天

云退之服硫黄信矣

人生如寄见高僧传又南齐刘善明云人生如寄来会几何乐天感时云人生诘几何在世犹如寄秋山云人生无几何如寄天地间东坡云人生如寄耳岭海亦闲遊多用此事云

太白云恨不挂长绳于青天系西飞之白日李长吉云长绳系日乐当年乐天云既无长绳系白日二公用太白意也

梅用南枝事共知青琐红梅诗云南枝向暖北枝寒李峤云大庾天寒少南枝独早芳张方注云大庾岭上梅南枝落北枝开南唐冯延巳词云北枝梅蕊犯霜开则南北枝事其来远矣

疾风知劲草后汉王霸传光武曰颍川从我者皆逝子独留疾风知劲草一也南史庾登之子仲远爲宋明府佐废帝景和中明帝疑防賓客故人无到门者惟仲远朝谒不替明帝即位曰卿可谓疾风知劲草二也唐萧瑀 太宗曰太上皇有废立议顾朕挟不赏之功于昆弟不见容瑀于此时不可以利怵死惧赐诗曰疾风知劲草板荡识诚臣三也裴谔 代宗幸陕谔挟南曹印赴行在帝曰疾风知劲草果可信四也李绹 绹论古今以宦官统师等事宪宗怒绹谢帝动容曰卿告朕以人所难言疾风知劲草卿当之矣五也近州郡秋试进士有出疾风知劲草诗者止本萧瑀传不知有五事戲表出之

蛟龙得云雨有二刘元海传云晋武用李熹之说以元海平凉州孔恂曰元海若平凉州斩树机能恐凉州方有难耳蛟龙得云雨终非池中物吴周瑜 刘备借荆州瑜请筑馆于吴多具美女珍玩以娱其心志云云今不知出此猥以土地资之臣恐蛟龙得云雨终非池中物也

东坡鑑空阁云悬空如水镜写此山河影妄称桂兔蟾俗说皆可屏酉阳杂俎云月中蟾桂地影也空处水影也东坡用此桂 蟾其来久矣五经通义月中有 与蟾蜍何月阴也蟾蜍阳也与 并明阴系于阳也春秋演孔图曰蟾蜍月精也虞喜安天论曰俗传月中仙人桂树今视其初生仙人之足已成形桂树后生东坡故云俗说

退之南山诗每句用或字或连若相从或蹙若相鬪而下五十句皆用或字诗北山之什自或燕燕居息而下用或字廿有二此其例也

杜诗睥睨登哀柝又连连睥睨侵或从土爲埤垤城上短墙也华严经第十卷注音释埤音普未反垤音宜启反广韵音婢诣埤垤女墙也见博雅宣十二年守埤者皆哭注城上僻倪

抱朴子云韩子子冶尝以地黄甘草哺五十歳老马生三驹百三十岁乃死东坡地黄诗云地黄饲老马可使光鉴人吾闻乐天语喻马施之身非乐天语也乐天用抱朴子事耳吴淑马赋亦引抱朴之言杂俎亦云方言以甘草地黄噉五十歳马生三驹

岭外以枇杷爲卢橘子故东坡云卢橘杨梅次第新又南村诸杨北村卢白花青叶冬不枯唐

子西亦云卢橘枇杷一物也按上林赋卢橘夏熟李善引应劭云伊尹书曰箕山之东有卢橘夏熟晋灼曰卢黑也上林赋又别出枇杷恐非一物枇杷熟则黄不应云卢初学记张勃吴录曰建安有橘冬月于树上覆裹之明年春夏色变青黑味绝美继云上林赋卢橘夏熟又太平御览载魏王花木志蜀土有给客橙似橘而小若柚而香冬夏花实相继亦云卢橘又载郭璞注上林赋卢橘夏熟蜀中有给客橙即此橘也考二事则非枇杷甚明东坡子西但见岭外所呼故云耳惠洪冷斋夜话亦辨之但未详

浙江之涛自古以爲子胥余怒蓋俗説也虽退之作诗未免用俗送惠师云回临浙江潮屹起高峩岷壮士死不息千年如隔辰

退之云阿买不识字颇知书八分诗成使之写亦足张吾军不能文而能书者多矣未有不识字而能书者

洪驹父诗话天棘事了不可解问鲁直鲁直亦不解问王仲至仲至云非烟非雾自是一种物出异书然梦青丝何谓也疑梦乃蔓字 写误耳余按本草天门冬亦名颠棘春生藤蔓如丝杉而细正与诗合天门冬一名颠棘故有天棘之称蔓藤细于丝杉故有蔓青丝之语子美以对江莲摇白羽决是当时所见顾肯以非烟非雾爲对耶改蔓爲梦尤穿凿

元都坛云子规夜啼山竹裂王母昼下云旗翻穿凿者云王母禽也尾如旗昔游诗云王乔下天坛微月映皓鹤又将以王乔爲禽乎王母王乔皆仙人也其言仙人降于坛耳何必以禽对禽然后爲属对精切

古无长短句但歌诗耳今毛诗是也唐此风犹在明皇时李太白进木芍药清平调亦是七言四句诗临幸蜀登楼听歌李峤词山川满目泪沾衣亦止是一绝句诗今不复有歌诗者淫声日盛间巷猥防之谈肆言于内集公燕之上士大夫不以为非可怪也

淇澳卫诗也绿竹猗猗注云绿王刍竹篇竹也防云郭璞曰似小藜赤节好生道傍可食防恂云伐淇园之竹为矢百万考此则绿竹乃竹之可为矢者绿言其色耳何至以绿爲王刍竹爲篇竹乎以绿竹之盛比卫武之美有何不可乃取道傍小藜乎竹竿亦卫诗也籊籊竹竿以钓于淇淇即淇澳也取淇竹爲钓竿与伐以爲矢者皆今之竹也注疏陋矣

杜诗云黄鸟时兼白鸟飞黄鸟莺也白鸟鹭也振鹭注云鹭乃白鸟也蚊亦名白鸟月令仲秋之月羣鸟养羞注白鸟谓蚊蚋又金楼子齐桓寝谓仲父曰一物失所寡人悒悒白鸟营营饥而未食遂开翠纱之防进之东坡云不怕飞蚊如立豹矣何用更说蚊也

近世讥藏书不读者多引退之送诸葛觉诗云邺侯家多书插架三万轴一一排牙籤新若手未触以言手未尝把书故如此新耳是未尝考其全篇也其下云爲人强记览过眼不再读伟哉羣圣文磊落载其腹则是未尝不读书也邺侯李繁也史云阳城论裴延龄使繁书已封尽能诵记乃録以示延龄延龄白帝城以疏示于朝摘其条目自诉城奏入帝怒不省以此观之

爲人强记览不诬也新若手未触恐是言爱防之至尘埃不及或是一读即记不假再阅故书皆如新送诸葛往从读书且谓学问得所欲决非有书不读者近世不考求本末小儿辈雷同以手未触之句讥人故爲辨之退之又为繁作处州孔子庙碑云邳侯尚文其于古记无不贯达益知非不读书者史书爲随州刺史不书爲处州观碑所称道与史所记其人甚不相类当以退之言爲正

易豫之九四朋盍簪王弼云盍合也簪疾也谓朋来之速子美云盍簪喧枥马列炬散林鸦以簪爲冠簪之簪按古冠有笄不谓之簪簪后人所名以弼言爲是

房融在韦后时用事谪南海过韶之广果寺今之灵鹫也有诗云零落嗟残命萧条托胜因方烧三界火遽洗六情尘隔岭天花发凌空月殿新谁怜乡国思终此学分身融之文章见楞严经诗止此一篇李峤沈宋之流方爲律诗谓之近体此诗近体之祖也

郑谷海棠诗云浓艷正宜新着雨娇娆全在欲开时百花惟海棠未开时最可观雨中尤佳东坡云雨中有泪益凄怆亦此意也五代诗格卑弱体物命意亦有工夫卒章云浣花溪上堪惆悵子美无心爲发 王介甫梅花云少陵爲尔牵诗兴可是无心赋海棠用此也穿凿者乃云子美之母小名海棠故子美不作海棠诗不知出何典记世间花卉多矣偶不及之耳若撰一说以文之则不胜其說矣如牡丹芍药酴醾之类子美亦未尝有诗何独于海棠便爲有所避耶退之于李花赋之甚工又将爲何说耶

杜云若耶溪云门寺吾独胡爲在 萍南史何允 居若耶溪云门寺杜全用此六字又前汉食货志天用莫如龙地用莫如马子美遣兴诗取两句爲两篇首句

谁知多罗树却倚莲花台华严经十四卷音释云多罗花形如防桐叶长稠密久雨无漏此翻爲高耸

送王砵【砵音理 反】使南海云番禺亲贤领筹运神功 大夫出卢宋宝贝沐脂膏卢宋卢焕宋璟也二公以清德名旧唐书云开元以来四十余年广府节度清白有四二公预焉宝贝沐脂膏以言不贪而宝货多也

退之陆浑火云女丁妇壬传世昏左氏水火之妃妃音配以丁之女爲壬之妇也

刘梦得云盛时一失难再得桃笙葵扇安可常东坡云 雄方言以簾爲笙则知桃笙者桃竹簾也南史顾宪之传疾疫死者裹以笙席益知笙即簾也左太冲吴都赋云桃笙象簾韬于筒中李善注云桃枝簾也东坡不喜文选故不用吴都赋岭外有桃竹坚韧可作拄杖善谓是桃枝则恐桃枝不能爲簾当从坡爲桃竹

东坡雪诗云青山有似少年子一夕变尽沧浪髭蓋用皮日休元鲁山诗云世无用贤人青山生白髭意也

鲁直云百年中半夜分去一歲无多春慙来全用乐天寄元九一聯云百年夜分半一歲春无多亦演爲七言

宋景文落花云将飞更作回风舞李义山云落时犹自舞宋用此

退之感春云前随杜尹拜表廻者杜尹兼也兼尹河南退之爲都官员外郎祠济渎题名退之所书兼列衔其前

顾况作哀闽云囷【音蹇】生南方闽吏得之乃絶其阳爲臧爲获方言楚人谓男爲臧女爲获既云絶其阳则可以爲臧耳又云爲获是阴阳不分男女不辨也

退之杏花云鷓鴣钩辘猿叫歇本草鷓鴣鸣云钩辘格磔李羣玉云方穿诘曲崎岖路又听钩辘格磔声林逋云草泥行郭索云木叫钩辘当时人盛诵之以今所闻之声不与四字合若云行不得也哥哥不知本草何故爲此声鷓鴣非啼于木上止啼于草茅中逋钱塘人浙无此禽蓋传闻之误段成式则云鸣云但南不北

东坡琴云平生不识宫与角但闻牛鸣窖中雉登木出管子地员篇凡听宫如牛鸣窖中听角如雉登木

日月光天德云云陈后主国亡入隋从隋文东封登芒山所献诗也天下教儿童者以此题学书纸宣和末京师盛歌新水皆北狩之防

东坡橄防云待得余甘回齿颊已输崖蜜十分甜王立之诗话云崖蜜樱桃出金楼子坡意正谓蜜耳言余甘者甘味有余非果中余甘也立之见余甘爲果遂以崖蜜爲樱桃杜诗云充肠多薯蕷崖蜜亦易求又云崖蜜松花白皆蜜蜂之蜜也然则崖蜜岂专是樱桃且樱桃非十分甜者又不与橄防同时

杜李潮小篆歌苦县光和尚骨力骨力二字南史张融 齐高帝见其书曰卿书殊有骨力

韩增封龙額侯师古注字或作额退之晚秋联云防勲封龙额归骑猎麟脚以麟脚对龙额则不爲額

退之云李翱观涛江翱复性书云南观涛江入于越退之爲此也

谢安捉蒲葵扇世妄以爲蜀葵广韵枏桐蒲葵也是防桐扇也岂如今之高丽折叠扇耶李翱为杨于陵志于陵知广州撤蒲葵陶瓦覆屋是以防葢屋益知蒲葵即防桐是也

乐天云钟乳三千两金钗十二行以言声妓之多蓋用古乐府云头上金钗十二行足下丝履五文章是一人头插十二行钗耳非声妓之多十二重行也

太白云总爲浮云能蔽日长安不见使人愁下句用晋举头见日不见长安上句用陆贾新语
谗臣之蔽贤犹浮云之蔽日

诗人多用元次山带笞箠语作平上声用广韵音冷醒太平御覽载通俗文云竹器谓之笞箠
上朗鼎切下幸鼎切皆不作平声惟笞有灵音不知次山集笞音郎丁箠音先青

牧之云杜诗韩笔愁来读似倩麻姑痒处搔天外凤凰谁得髓无人解合续弦胶十洲记云麟
凤洲上仙家煮凤喙及麟角作胶名续弦胶或名连金泥能连弓弩 折刀剑见御覽

东坡鹤叹云戛然长鸣乃下趋何至以身爲子娱世说有遗支道林双鹤道林曰既有凌霄之
姿何肯爲人作耳目之玩养令翮成使飞去

饭抄云子白注引荀子友风而子雨雨岂可抄也武帝内传西王母谓帝太上之药有风实云
子

一箭正堕防飞翼长孙晟射雕一发防贯

侧目似愁胡魏彦深鹰赋立如植木望似愁胡

黄祖之子射命祢衡赋鹦鹉其后祖杀衡射救之不及严武在成都不堪少陵之慢题杜二锦
江亭云莫倚善题鹦鹉赋以衡比甫有意杀之且戒之也甫酬云阮籍焉知礼法疎是无改悔
意也若武冠不钩于帘其母来少缓甫死矣祖之子救衡迟故衡死武之母救甫速故甫不死
命矣夫

退之兄会尝爲起居舍人谪韶州司马退之幼从其兄到韶兄死退之后至曲江云忆昨儿童
随伯氏南来今只一身存云云防史无传不知坐何事贬考之史坐元载也载传云与载厚善
贬者某人某人防其一也

白云前月浮梁买茶去旧唐史风俗贵茶之名劔南之 顶云云浮梁之商货不在焉是唐之
茶商多在浮梁也

杜云粃粃作人情楚词粃粃蜜餌郭璞新语粃粃膏环也通俗文寒具谓之餠【音曷】则粃
粃寒具今之环饼也坡云上有桓元寒具油则寒具爲环饼无疑

宜都山记峡中猿鸣至清山谷传其响泠泠不尽行者歌曰巴东三峡猿鸣悲猿鸣三声泪沾
衣杜诗听猿实下三声泪用此也

陶渊明九日闲居序秋菊盈园持醪靡由空服九华东坡云十月三日金英粲然遂召客饮万
家春且服九华诗人谓九华九日之华即菊也按真诰太元玉女有八琼九华之丹又云授九

华丹方于江上炼丹又云李八百居栖元山合九华丹成以此攷之非菊乃丹也

退之谢自然诗云云谢自然女道士也果州人居金泉山书夜不寐忽有云气散漫弥久仙去见风俗通

子美以苔卧绿沉枪对雨抛金锁甲诗人谓枪卧于苔中不用也故云绿沉续齐谐记王敬伯夜见一女命婢取酒提绿沉漆榼以此考之则绿沉者漆名也犹今所谓朱红银缠杆之类对金锁甲精切掇英集载状云门山物栢梁体郑槩云亭亭孤笋绿沉枪

介甫防庙云两公天下骏无地与腾骧西京杂记文帝自代还有良马九匹皆天下骏

鹭鸶鸂鶒皆宿于乔木丛竹上晚则俱集喧闹至黑方定燕子未尝集于木上杜云沙头宿鹭联拳静又云宿鹭起圆沙又云风鸳藏近渚雨燕集新条皆取其意耳

惟以孔翠爲孔雀不知是孔雀翡翠也退之云买养驯孔翠远苞树蕉栟二物之验也李善注文选亦然

唐造茶与今不同今采茶者得芽即蒸熟焙干唐则旋摘旋炒刘梦得试茶歌自傍芳丛摘鹰嘴斯须炒成满室香又云阳崕阴岭各殊气未若竹下莓苔地竹间茶最佳今亦如此

唐未有碾磨止用臼多是煎茶故张志和婢樵青使竹里煎茶柳子厚云日午独觉无余声山童隔竹敲茶臼

坡诗便欲去爲汤饼客多用明皇王后生日典半臂作汤饼爲证唐人生日多具汤饼梦得送张盥云尔生始悬弧我作座上宾引箸举汤饼祝词天麒麟

宁馨今往往读作仄声梦得云爲问中华学道者几人雄猛得宁馨则平声无疑

荆公多用晋白鸡事酬许奉议云后防敢期黄耆日相看且度白鸡年游齐安院云老值白鸡能不死复随春色破寒来次张唐公韵云君骑白凤今何处我适新年过白鸡蓋公生于辛酉也骑白凤事见孙光宪北梦琐言沈询除节旄曹唐作遊仙诗玉诏新除沈侍郎便分茅土领东方不知今夜遊何处侍从皆骑白凤凰东坡云自怪骑白凤

君子偕老防鞠衣黄桑服也色如麴尘象桑叶始生元防之三泉驿云新叶麴尘花落地乐天山石榴云千房万叶一时新嫩紫殷红鲜麴尘梦得云龙墀遥望麴尘丝

介甫云日高青女尚横陈又云水归洲渚得横陈用楞严于横陈时味如嚼蜡事唐李义山小怜玉体横陈夜已报周师入晋阳唐张荐灵怪集东蔡女鬼与裴绍祖诗云横陈君不御惟知思不絶汉魏文章宋玉讽赋主人之女歌曰内忧惕兮徂玉牀横自陈兮君之旁横陈蓋出于

此

左氏室如悬磬言室中之物垂尽以磬训尽也其下云野无青草则磬恐是器物但非今之僧磬也若以古之钟磬言之则磬皆曲折片石无中虚之理说文磬虚器以是知爲器物但不知于今爲何器子厚云三亩得留悬磬室九原犹记若堂封李义山云不忧悬磬乏乍喜覆盂安

菟郡多作平声义山云可惜前朝 菟郡积骸成莽阵云深则作仄音灯檠平声义山云六曲屏风江雨急九枝灯檠夜珠圆则又爲仄音唐人多不用师古注汉书音如魁梧音悟嫋姚皆去声杜云夫子魁梧则梧爲平声李杜皆押嫋姚爲平声杨巨源请问汉家谁第一麒麟阁上识鄼侯则音赞者又不用也

杨太真妃本寿王瑁妃也 宗纳之爲寿王别娶韦昭训女李义山骊山诗云骊岫飞泉泛暖香九龙呵防玉莲房平明每幸长生殿不从金輿惟寿王

石炭自本朝河北山东陝西方出遂及京师陈尧佐理河东时始除其税元丰元年徐州始发东坡作诗记其事水经魏土记枝渠东南火山出石炭火之熟同樵炭则石炭六朝时已有

杜八桂云五岭皆炎热五岭说多不同后汉吴祐刘表 注西自衡山之南东至于海一山之限标名有五裴氏广州记大庾始安临贺桂阳揭阳是为五岭邓德明南康记亦分五岭与裴不同水经郴县黄岑山骑田之峤五岭第二岭也桂阳部山即部龙之峤五岭第三岭也营道县萌绪之峤五岭第四岭也越城峤五岭之西岭秦置五岭之戍是其一又云始安峤即越城峤又云大庾岭五岭之最东当以水经爲正则八桂诸家皆不以爲岭今自湖南入广西未尝有险阻

子美有小至诗說者谓冬至前一日爲小至卢照邻年日述懷云人歌小歲酒花舞大唐春是以元日爲小歲以此观之子美之小至即冬至也卢诗见歲时杂咏

十二时寅音怡礼部韵训时也若真字韵寅则训恭然唐人亦作寅字押冷朝阳云玉律催佳节青阳应北辰下云寒余月建寅是也

唐人不分韵作诗止用一字如陈子昂晦日高文学置酒林亭赋者十人止押霞字如周彦晖晦日重宴亦十人同押池字

唐人以正月下旬送穷韩退之有文姚合有诗云万户千门看无人不送穷

唐人以正月晦爲节德宗改用二月一日号中和节吕渭和德宗诗云皇心不向晦别节号中和

李义山云取酒一封驼前汉大月氏一封橐驼注 上有一封言其隆高若封土俗号封牛

子美孟冬云破 霜落刃歲时杂咏乃云破甘霜落刃恐杂咏爲是孟冬无 矣

子美赠毕四云饥寒童仆贱顔状老翁爲汉魏文章王文考王孙赋云顔状似乎老翁是以猴戲毕

洪驹父诗话退之云谁谓貽厥无基址是歇后语晋五行志何曾曰国家无貽厥之谋以此知退之用字亦必有本也

子厚云且尽姜芽斂手徒又云姜芽尽是捧心人以手如姜芽斂手义手也又言捧心则知爲手无疑相书手如姜芽者贵

退之云画蛇着足无用处爲蛇画足见战国防与史记楚世家及陈轸 庄子以爲 脇而行方朔射守宫曰谓之爲蛇又有足以言蛇无足也按本草蝮蛇陶隐居注云蛇皆有足烧地令热以酒沃之置中足出酉阳杂俎云蛇以桑柴烧之则见足出余在曲江老兵捕一蛇烧之四足垂出如鸡足状以此知古人有未尽穷之事孟子言緣木求鱼以其不可得也本草鰻鰻鱼陶注云能緣树食藤花唐注亦云有四脚能緣树杂俎鯢鱼能上树庄子众雌无雄又奚卵焉今鸡鸭有无雄而卵者但不能抱成子耳

芰即菱也花白生水下杜牧之晚晴赋云复引丹于深湾忽八九之红芰姤然如妇斂然如女是以芰爲莲花

牵牛河鼓诗人多用爲七夕事见尔雅河鼓谓之牵牛注今荆楚呼牵牛爲担鼓担者何也何音荷以平声读之从水者非

太白云风云君子变猿鹤小人爲沙虫退之云穆昔南征军不归沙虫猿鹤伏以飞抱朴子云穆王军散于南君子化爲猿鹤小人化爲沙虫二公用此

退之盛山十二诗序云不知出于巴东以属胸防唐韵胸音蠢防音闰巴东郡之县名地下湿多胸防虫因以爲名盛山今之开州唐地里志云古巴东郡之胸防故也顔师古于汉地里志胸音劬当以唐韵音爲是

东坡云青浮卵盃槐牙饼红防水盃藿叶鱼槐牙冷淘见杜诗藿叶脰见礼记注牛与羊鱼之腥聂而切之爲脰注聂防也先藿叶切之复报切之然后爲脰

唐至德一年改蜀郡爲南京杜云南京犀浦道爲蜀郡也又云南京久客畊南亩注云明皇幸蜀以成都爲南京非也

唐人重端石砚见刘梦得谢唐秀才惠端州紫石砚云端州石砚人间重李贺青花紫石砚歌云端州匠者巧如神露天磨剑割紫云柳公权论砚云端溪石爲砚至妙益墨青紫色者可直

千金水中石其色青山半石紫山顶石尤润如猪肝色者佳贮水处有赤白黄防世谓鸚鵡眼脉理黄者谓之金线相眼之法尽于此李贺青花紫石者蓋砚之上品也东坡论许敬宗砚云是端石敬宗高宗时人则唐重此砚其来久矣魏道辅东轩筆錄记端砚三坑不甚详

东坡云此生有味在三余用董遇冬者歲之余夜者日之余陰雨者时之余皆为闲暇无事时也人有疑陰雨者蓋陰雨则无出入无賓客俗事少故可以读书余尝验之乃知古人不虚语也

京师以探刺者爲覷步唐有此语强梁御史人覷步安得夜开沽酒户

唐国忌禁用刑作乐狼籍囚徒滿田地明日不推縁国忌依前不得花前醉皆元防之诗禁作乐今犹唐也禁刑之令弛矣

杜子美会須上番看成竹元防之飞舞先春雪因依上番梅俱用上番字则上番不专爲竹也退之笋诗云庸知上几番又作平声押

桂林以地有八桂退之云苍苍森八桂山海经云八树成林唐韵亦云故渊明诗云亭亭凌风桂八榦共成林

外台见唐高元裕传故事三司监院官帶御史者号外台得察风俗举不法监院属三司如杨子院是也皆货财转易之地故今监司亦号外台皆以察风俗举不法刘梦得和南海马大夫云汉家旌旆付雄才百越南溟统外台以马摠帶御史大夫也

唐本草注雁与燕相反燕来则雁往燕往则雁来故坡云秋鸿社燕巧相违

退之诗不辨蓂莢施用楚词蓂莢施以盈室兮判独离而不服叹立之不用于世不爲人所知

鲁直醢醢云风流付枕帟又云梦寐宜人入枕囊說者谓帟幕爲枕屏之类非也楚词苏粪壤以充帟注帟谓之膴膴香囊也又云櫝欲充其佩帟注帟盛香之囊则知帟乃枕囊也张平子思 赋云 幽兰李善注說文曰系帟曰 尔雅云妇人之帟谓之縢今之香囊在男曰帟在女曰縢 者繫囊之防是也

坡云刺舌君今宜自戒灸眉我亦更何辞灸眉见晋郭舒传王澄以舒爲狂使人掐鼻灸眉头刺舌见隋贺若弼传父敦临刑呼弼曰吾以舌死汝不可不思引锥刺弼舌出血戒以口过坡平生以语言得祸故畏之如此

退之序云携被入直三省丁宁顾婢子语刺刺不能休有好奇者读如吾日三省之省且以三省丁宁爲句又谓唐无三省之名是未之考也六典既修以来侍中中书令尚书令谓之三省长官唐言三省处甚多且如陆扈传三省得 相有光署钱是也张籍寄白舍人云三省比年

名望重李颀缓歌云三省官僚揖者希见文粹若不言三省不知入直何所防被入直何用曰三省为既云日三省不知丁宁者为何人皆妄凿也

刘梦得生师讲堂云一方明月可中庭张籍秋山诗云秋山无云可无风两可字义不同然皆新而不怪

世传不逢韩玉汝有应声对者曰可怕李金吾以金吾对玉汝为切唐有孙玉汝则玉汝为名字不始于韩也见李景让传

退之云何人有酒身无事谁家多竹门可 无事饮犀首也袁粲尹丹阳郡南一家颇有竹石率尔步往亦不通主人直造竹所啸咏自得主人出语笑欵然

杜牧之斑竹簟云分明知是湘妃泪何忍将身卧泪痕述异记舜 苍梧娥皇女英泪下沾竹竹悉为斑

坡云宜蚕使女茧如瓮述异记云园客种五色香草有五色蛾集其上蚕时有一女来养蚕得茧百二十枚大如瓮女与客俱化去

坡云彭仇不难逐宣室志僧契虚防稚川山顶见宫殿有具簪冕者曰稚川真君也真君曰尔絶三彭之仇乎契虚不能对真君曰不可留也

坡曰玉骨何劳獭髓医拾遗记孙和月下舞水晶如意伤邓夫人颊医曰得白獭髓杂玉与琥珀屑当灭痕

坡云但令有妇如康子安问生儿比仲谋皇甫谧高士传黔娄先生卒曾西来吊见覆以布被覆头则足见覆足则头见曾西曰斜其被则敛矣其妻曰先生生而不邪死而邪之非先生之意也西曰以何爲諡妻曰諡曰康西曰先生存时食不充饱衣不尽形何以諡爲康妻曰昔先生君欲用爲国相辞不爲是有多余贵君赐粟辞不受是有多余富甘天下之淡味安天下之卑位諡爲康不亦宜乎魏书生子当如孙仲谋刘景升儿子豚犬耳

坡云 州铜器越州罗争唱洪农得宝歌见韦坚传云云

退之与孟郊聯句前辈皆谓退之粉饰恐皆出退之不特粉饰也以答孟郊诗观之如弱拒喜张臂猛拏闲缩 见倒谁肯扶从嗔我湏咬则聯句皆退之作无疑也

元厚之与介甫诗云陈前舆服嘉桓傅拜后金珠有鲁公是时三经义成有赐予元绛亦加职厚之此诗爲切当桓荣以所赐舆服陈之前曰此稽古之力也公羊封鲁公以爲周公也周公拜乎前鲁公拜乎后

柳子厚云沉吟亦何事隗嚣传邯得书沉吟十余日符丕传啖奇谓诸将曰东讨姚萇不可沉吟犹豫庞统传若沉吟不去当致大困

退之诗鸡三号更五防晋律厯志有鸡始三号

坡云留连一物吾过矣北史卢思道谓王晞曰昨被召己来颇得无以鱼鸟致怪晞答曰云云卿辈亦是留连之一物岂直在鱼鸟

坡云百尺飞泉泻漏天任升梁益记漏天在雅之西北山高谷深阴晦常雨

又云愤愤到天公晋天文志康帝三年岁星犯天关庾翼与其兄冰书曰岁星犯天关占云梁益当分比来江东无他故而石季龙频年再闭关不通信使此复是天公愤愤无皂白之征

又云天形倚一笠晋天文志天似盖笠

左氏三后之姓于今爲庶杜云将军魏武之子孙于今爲庶爲清门用此也句法有相似者元云房杜王魏之子孙杜云殿脚插入赤河浑元云日脚插入秋波红

外来之物曰义如义儿是也元云醉插樱桃投小玉义梳丛髻舞曹婆

风之逆舟人谓之打头风坡云卧听三老白事半夜南风打头元云江喧过云雨船泊打头风过云雨亦俗谚

洞庭湖元云驾浪沉西日吞空接曙河比吴楚东南坼乾坤日夜浮则元为费力

蜀人云灩澦如马瞿塘莫下灩澦如象瞿塘莫上杜云如马戒舟航白乐天云五月断行舟灩澦正如马

亲家翁开素鹄填河皆俗语白乐天用俗语为多赠皇甫郎中亲家翁晚接嘉姻不失亲又云月终斋满谁开素须记奇章置一筵又云秃似鹄填河

少游云梦魂思汝鸟工徃世故着人羊负来脍炙人口鸟工徃舜濬井事羊负来乃苍耳子见千金要方菓菜门

蒲柳望秋先零二物弱最早凋或以蒲柳为怪柳甚可怪也马融赋树以蒲柳注蒲也柳也何尝以为一物况以对松柏经霜逾茂说文亦云杨蒲柳也

坡云贺雨诗成即諫书乐天有贺雨诗末章云一言献天聪君以明为圣臣以直为忠敢贺有其始亦贺有其终此即諫疏也

淡菜贝中海错之美韩退之孔戣墓志曰淡菜蚶蛤之属李长吉诗云淡菜生寒日以天色极寒方出元微之论海错亦云淡菜海蚶之属

子美沙苑行为马诗也末章云泉出巨鱼长比人丹砂作尾黄金鳞岂知异物同精气虽未成龙亦有神同州志云沙苑有泉泉多大鱼杜意鱼与马皆可成龙

介甫云投老归来一幅巾黄尘投老别悠悠投老归来天柱峯投老见后汉仇覽 云苦身投老王羲之 怀祖正当作尚书投老可得仆射

欧阳永叔赠介甫云翰林风月三千首吏部文章二百年介甫答云他日若能窥孟子终身何敢望韩公议者谓介甫怒永叔以退之相比介甫不知二百事乃南史谢朓吏部也沈约见其诗云二百年来无此诗以介甫为误以余考之欧公必不以谢比介甫介甫不应误以谢为韩也孙樵与高锡望书曰唐朝以来索士二百年间作者数十辈独高韩吏部欧公用此耳介甫未尝误认事也见孙樵集

坡云腹摇鼻息庭花落偿尽当年未足心孙樵云腹摇鼻息梦到乡国槐花扑庭鸣蛩噪晴

退之送马总南海云衙时龙户集上日马人来马人见佛书毗舍离国有一类人如马裸露王运神力分身爲蚕乃得衣王生中土马人感恋号马鸣菩萨见 灯十一祖龙户即蜃戸也

杜云竹根稚子无人见稚子即笋或以爲竹防非也牧之云幽笋稚相携小莲娃欲语以莲比娃以笋比稚子与子美同意

陈子高云我亦快饮月氐头史记匈奴破月氐以其头爲饮器春秋后语智伯围赵襄子智伯大败漆其头爲饮器汉张骞传晋灼注爲虎子周官玉府掌防器郑司农注虎子也魏苏则爲侍中亲省起居执虎子吉茂嘲之曰仕宦不已执虎子

介甫云虎士开闾阖鸡人唱早朝虎士卫士也魏许褚传太祖引入宿卫从褚侠客皆以爲虎士又周礼虎贲氏虎士八百人

淮人歲莫家人宴集曰泼散韦苏州云田妇有嘉献泼散新歲余

诗人论鲁直醑醑云露湿何郎试汤饼日烘荀令炷炉香不以妇人比花乃用美丈夫事不知鲁直此格亦有来歷李义山早梅云谢郎衣袖多翻雪荀令薰炉更换香亦以美丈夫比花鲁直爲工

酒斟满捧觴必蘸指甲牧之云爲君蘸甲十分饮梦得云蘸甲湏欢便到来

古酒瓶号三雅伯雅仲雅季雅梦得云酒每倾三雅蔡兴宗作杜诗考异婵娟碧鲜静肃槭寒

葦聚薜字从别本蓋字画稍缺而释音者云婵娟碧鲜皆竹也尤谬非释者谬兴宗谬也按碧鲜出文选吴都赋玉润碧鲜正谓竹也乃以爲碧薜儿童之见也舍旧集而从别本何也五代扈蒙作碧鲜诗得名婵娟美貌以言碧鲜之美岂以碧鲜爲薜哉文选成公子安啸赋云荫修竹之婵娟注云婵娟美貌

杜云挂到王女洗头盆真诰玉女居华山祠前五石曰号王女洗头盆

太白云汉帝重阿娇贮之黄金屋见汉武故事武帝四歳长主抱着膝上问曰阿娇好否对曰好若得阿娇爲妇当作黄金屋贮之乃定昏

坡云一似猕猴骑土牛魏晋世语尚书钟繇谓周防君释褐登宰府乞儿乘小车一何驶也防曰君名公之子少有文彩故守吏职猕猴骑土牛一何迟耶

杜防州诗云身许防峯寺门求七祖禅注云释氏有六祖今云七莫知其故六祖传法青源思不 衣谓之七祖防峯惠义寺也杜有惠义寺送辛员外诗云防峯寂寂对春台

子美盐井诗自公斗三百转致斛六千便见当时川中盐价与商贾所贩之息使后世有考焉真诗史也

唐子西作温泉记其下未必有硫黄以爲水受性本然李贺云华清宫中矾石汤以此观之泉之温其下必有硫黄矾石之类无疑

杜云自平中官口口太一收珠南海千余日唐宦者吕太一反岭南以韦伦爲韶州刺史见伦传印本多以官爲官或者又妄以爲宫中

杜山水障云咫尺应须论万里南史萧贲扇上图山水咫尺之内便觉万里爲遥

退之百叶绯桃云应知侍史归天上故伴仙郎宿禁中周礼天官注奚三百人若今之侍史官婢后汉尚书郎给侍史二人皆选端正婉丽执香炉防衣服

爲文用偏旁字顔延年白马赋秀骐齐于潘安仁射雉赋张衡舞赋并用彳于二字彳丑亦切于丑録切韩诗刻画架崖于今人不敢用

醉翁亭记终始用也字结局议者或纷纷不知古有此例易离卦一篇终始用也字庄子大宗师自不自适其适至皆物之情皆用也字以是知前辈文格不可妄议

四海之内物有未尽识者不可着之书鹄白羽黑文胷颈皆青冠面足皆赤不纯白也雪赋乃曰白鹄失素是未尽识鹄也

后赤壁赋举网得鱼巨口细鳞状如松江之鲈多不知爲何等鱼考之乃鳊鱼也广韵注鳊巨口细鳞山海经云鳊巨口细鳞有斑彩以是知东坡一言一句无所苟也

东坡作钟子翼哀词用四字七字爲句崆峒摩天章贡 石致西确荀子成相篇格也句皆叶韵如人主无贤如瞽无相何伧伧王文考灵光殿赋彤彤灵宫岿防穹崇纷庞鸿兮其下皆叶韵但加兮字

东坡笑笑先生賛竹亦得风夭然而笑世皆以夭爲天然非也説文笑字竹得风其体夭屈如人之笑

吴丞相爲欧阳永叔行状云仁宗遇公厚论及当世才目公曰如欧阳某者岂易得哉韩魏公作墓志载仁庙语如欧阳某何处得来不加文饰有以见仁庙厚质之言如此得直述之体也

退之毛颖 吾子孙神明之后四字子产献陈防于晋语也退之爲文用古人语如己出所以爲奇

武后见骆賓王爲徐敬业作檄语至一抔之土未干六尺之孤何在曰宰相安得失此人李袭吉爲李克用与梁书朱全忠读至毒手老拳交争于暮夜金戈鐵马蹂践于明时叹曰李公僻处有土如此使吾得之傳虎以翼文章号令岂可不择人李德裕勿以子孙之谋而存辅车之势三镇凛凛不敢结连对敌伤居尔体痛在朕躬将士爲之感服文章之功省力于长枪大劍如此

韩退之文章上继班马蓋不待言然当时之有异论平淮西碑遂至磨仆此宪宗迫于诸将之意耳至皇甫湜谓退之文如长江秋注千里一道然施于灌溉或爽于用湜学退之不知退之未尝爲无用之文也况不亲炙之者乎罗池庙碑卓絶今古旧史乃曰南人好巫退之遂实其此文之纰缪者然后世何尝以此等之言爲信青蝇之矢变乱白黒何益哉

刘梦得气高不服人祭退之文极言称賛鸾鳳一鸣蜩螗革音手持文柄高视寰海权衡低昂瞻我所在三十余年声名塞天牧之云杜诗韩笔愁来读似倩麻姑痒处搔天外鳳凰谁得髓无人解合续弦胶皆实録也

班孟坚载史记冗语极简健亦有所改字不若迁者陆贾谓五子曰与汝约过女女给人马酒食极欲十日而更所死家得宝剑车骑侍从者説者谓贾所死之家得此物考上文云贾常乘安车驷马从歌鼓琴瑟侍者十人宝剑直百金谓其子云云何待死而后与以迁史考之乃徙字谓十日后迁徙别之一子或过他客去则以所携之物与之耳若作死字恐无意味

世之大儒有其论不可晓者欧公以系辞非孔子之言诋之甚力苏子由解诗不用诗序今用其説尚解不行乃去而不用以自己意解之且如七月陈王业也云云故其诗陈农桑之事与序合若子由不用序陈王业一首不知一篇爲何而作此易晓者其他诗有未易晓者若不用

序则尤更茫然

王介甫云有周公之功则可用天子之礼乐是以爲周公无恙时所用也以传考之周公死之后成王方赐之独用于周公之庙祭祀耳使周公无恙必不敢当此周公以四国流言甚畏惧诗书所载详矣卒不失其圣如狼跋之美其后四国之君相继诛灭使生而偃然乘天子旌旗用天子礼乐岂不虑流言复起乎成王虽日报周公之功厚不知天子之礼乐岂可假人使周公有灵必不享也适所以啓鲁之后僭窃之祸八佾之舞雍之彻防山之旅皆自此起矣是则成王之过也

退之马蹄研铭云天马有灵迹在于石汉武纪获汗血马注踏石汗血一日千里踏石有迹以言蹄之坚有力

东坡月石研铭石苑苑兮黑白月法苑珠林西方有一月分白黑一日至十五爲白十六至三十爲黑

介甫字說往往出于小說佛书且如天一而大蓋出春秋說辭天之爲言填也居高理下含爲太一分爲殊形故立字一而大见法苑珠林如星字物生于下精成于列精成于列晋天文志张衡论也鸛鹄勾其足而欲见西阳杂俎鸛鹄之交勾其足往往墮地人掩之以爲媚药年字禾一成爲年书正义孔炎曰年取禾谷一熟

潜珍阁铭云信苍苍之非色极深遠而自然庄子天之苍苍其色正耶其视下也亦若是而已矣汉郗萌记夭夭无质仰而瞻之高遠无极眼瞽精絕故苍苍然也譬如旁望遠道之黄山皆青俯察千仞之谷而窈黑青非真色黑非大体也

东坡顺济龙王庙新获石弩记引禹贡荆 所贡及春秋时隼集陈庭楛矢贯足石弩长尺有咫孔子遠取之肃慎顏师古注云楛矢堪为箭今幽以北用之以此考用楛爲矢至唐犹然用石爲弩自春秋以来莫之识矣余读晋肃慎传魏景元以来贡楛矢石弩晋元帝时诣江左贡石弩其地有山出石其利入铁唐黑水靺鞨传居肃慎之地其矢鏃长二寸蓋楛矢遗法则自唐以来皆有石弩非春秋以来莫之识也坡知唐犹用楛矢而不知用石爲弩至晋唐也

语云松柏后凋松柏未尝不凋特歲寒时不凋凋时后众木耳记云贯四时而不改柯易叶柯不改是也叶未尝不易也松竹皆于霜雪之际不凋至春秋则换叶记杂汉儒之言与圣人之言迥然不同

近世传东坡注杜诗李颀编者诞妄无根不可名状其言某事某论者今皆无此书一妄也且古人语各不同如三国时与西汉人语两汉人与六朝人语各有体格今皆一律此二妄也诗人用古语三字或两字或全句多矣取其自然不如是切当是撰字贴诗惟恐句中漏一两字使人觉之甚可笑此三妄也其大妄者有三有灼然有出处而颀不知者又东坡杂說中论杜诗及錄出处者极多无一字及此以是知其尤妄诞小儿辈好奇未多读书真以爲东坡所注

故爲辨之

淮南王諫武帝诛闽越云施舟而入水行数百里夹以深林丛竹水道上下击石林中多蝮蛇猛兽又云领水之山峭峻漂石破舟退之送区册云阳山天下之穷处陆有丘陵之险虎豹之虞水有江流悍急横波之石防利侔剑防舟上下失势破碎沦没者徃徃有之退之似祖述助者然皆奇语

牧之阿房赋复道横空未云何龙议者谓龙星也非真龙也不可比复道北史贺师夏以龙见请雩时高阿那肱録尚书事谓爲真龙出见大惊喜问龙所在作何顔色师曰此是龙星初见依礼当雩郊坛非真龙也阿那肱忿然曰汉儿多事强知星宿祭事不行方牧之下筆时偶不记此耶虽然凡物之生乎下者皆有星主乎上尔雅注吁嗟请雨雨龙所司也龙星虽非真龙然所主龙也故请雨则以其夏见之时又尔雅 蜩谓之雩蜩虹也以比横空之复道又何害

尔雅非周公书也郭璞序云兴于中古隆于汉氏未尝指爲周公蓋是汉儒所作亦非中古也其言多释诗以是知之如切如磋如琢如磨瑟兮僖兮赫兮喧兮之类皆卫诗猗嗟名兮刺鲁诗是皆列国之风非周公与中古时明矣

世多用孔子作春秋游夏不能措一词孔子世家云笔则笔削则削子夏之徒不能賛一词未尝及子游岂见云子夏之徒遂增子游耶又賛词非措词也

子云长杨羽猎赋模仿相如也雄传云雄常好词赋蜀有相如作赋甚闲丽温雅雄心壮之每作赋拟之爲式其著书乃谓相如靡丽之赋劝百而讽一犹骋郑卫之声曲终而奏雅何也班固谓与诗之讽諫何异爲雄戲言是已雄鄙赋不作可也既作之又不以爲是何耶

崧高诗维岳降神生甫及申蓋言申伯仲山甫皆宣王辅佐之贤注乃以甫爲甫侯甫侯乃穆王时人汉刑法志周道既衰穆王眊荒命甫侯度时作刑去宣王时遠矣观烝民一诗专美山甫之功之德则嵩高所美爲山甫不疑

余尝疑苏子由解诗不用序以爲非子夏所作子夏所作见文选考后汉儒林传卫宏作毛诗序得风雅之防于今传于世又隋经籍志初毛公作诗序卫宏益之乃知子由亦有所本王介甫荅韩求仁书则云序诗者不知何人然非达先王之法言者不能爲也故其言约而明肆而深要当精思熟讲之不当疑其失荆公亦不知爲卫宏作也退之谓子夏不序诗汉之学者籍之子夏是已

退之祭文虎入其廐以我 去唐韵驴子曰 亦见何承天纂文

禹恶防酒见战国防梁王魏嬰觴诸侯于范台酒酣请鲁君举觴鲁君曰昔帝女令仪狄作酒美进之禹禹饮而甘之遂疎仪狄絶防酒曰后世必有以酒亡其国者

本草鵞注陈藏器本草云尸子云野鸭爲鳧家鸭爲鵞不能飞翔如庶人守耕稼而已余是以知周礼庶人执鵞之义如此

凡爲文合于古则不免世俗讥评君子不恤也欧公作尹师鲁墓志王介甫作钱公甫墓志皆不免纷纷况他人乎二公作书力辨可以爲庸妄之戒

猗觉寮襟记卷下

宪宗迎佛骨于凤翔退之谏甚切卒不从退之被斥海上懿宗咸通中又往迎之或言宪宗尝为此俄不祥懿宗曰使朕生见之死不恨李蔚苦谏亦不聽見蔚 后唐有僧得佛牙于西域明宗以示大臣赵凤曰臣闻佛牙水火不能伤请驗其真伪以斧砍之应手而碎先是宫中施物以数千凤碎之乃止见凤传明宗之好已不减于宪懿而赵凤之防乃省力于韩李仁宗时孔道辅击蛇亦用凤防

退之符离白兔书称說功德祥应唐明宗时宿州亦献白兔安重海曰兔陰且狡虽白何为却而不以闻二公所见不同如此

浩孔异以百口保孙仲谋遣子入侍郗超以百口保桓温于简文裴度以百口保魏博卢 以百口保李希烈张說以百口保不虑减兵而招寇姚崇以百口保内外官无反者杜佑以百口保李藩古人不爱家族保人于天子之前可谓忠矣诸人徃徃不负所保独希烈不然德宗不责保人亦惑矣

旧唐史载开元以来治广清白者四人宋璟裴佑先李尚隐卢奂新史止载三人不及佑先张嘉贞 广州都督裴佑先抵罪亦不载何罪

自三代而下创业守文之君兼之者惟唐太宗汉之文景武宣皆不及也其后永徽有贞观风见张說 开元有贞观风见姚崇 建中有贞观风见李吉甫 惜乎三君皆不克终遂使太宗独称焉

九合诸侯人皆知有管仲不知有魏绛也以一旦之功加万世之功人皆知为萧何不知前有狐偃也鵲鸟累百不如一鶚人知有祢衡而不知有邹阳书也

晋文渡河北归行赏狐偃为首或曰城濮之事先軫之谋文公曰城濮之事偃說我无失信先軫曰军事胜为右吾用之以胜然此一时之說偃言万世之功奈何以一时之利加万世之功乎

唐百官志有书学故唐人无不善书遠至边裔书史里儒莫不书字有法至今碑刻可见也徃徃胜于今之士大夫亦由上之所好有以劝诱之贞观中集王羲之书为一百五十卷选贵臣子弟有性识者以为宏文馆学生内出法书命之习学人间有善书者亦召入馆海内向风工书者众见唐厯

凡物顺则死逆则活鱼无不逆水而上虽至细之鳞遇大水亦抢而上力不胜则稍随水而下力定复上禽鸟亦多逆风而飞人亦如此饱暖安乐纵情恣意如是夭折者多矣使辛苦忧畏拂乱心志能谨畏无意外事可以永年孙思邈论养性以忧畏为卒其言反复甚切所谓五行不顺行者亦此事也

柳芳唐历书武后载初元年九月壬午改天授元年三年四月丙申改如意元年是年九月庚子改长壽元年计三年新书自天授元年正月庚辰改载初尽二年十月改长壽不载如意计一年十月新书永昌后有天授自天授改载初而唐历无天授自永昌后改载初而唐历延载之后有登圣新书无之年号史家当具载无去取也不知何为如此差误

宋文帝问顏延之诸子所能延之曰竣得臣笔侧得臣文□得臣义跃得臣酒唐宋令文三子各得令文一絕之问文章之梯躋勇之逊草 范文正三子各得父之一忠宣得相业纯粹得将才纯礼得文章

南人以盐收鸭子曰鹹丸子尔雅杭鱼毒注谓杭皮厚赤汁中藏卵果不壞当用杭字

战国防陈轸言楚人有两妻挑其长者长者骂之挑其少者少者许之居无几何有两妻者死客谓挑者曰女取长者乎少者乎曰取长者客曰长者骂女少者和女女何为取长者曰居彼人之所则欲其许我今为我妻则欲其骂人后汉冯衍 记有挑其乡人之妻者挑其长者长者骂之挑其少者少者报之后其夫死而取其长者或谓之曰非骂尔者耶曰在人欲其报我在人欲其骂人范史所记比战国防语简而意足大抵班范善删裁前人之文得体要法

始皇讳政以正月为正月吕后讳雉以雉为野鸡杨行密据 州州人以蜜为蜂糖钱元瓘据浙浙人以一贯为一千石勒据长安北人以罗勒为香菜至今不改必是当时犯讳令严故人不改犯本朝寬厚自非举子为文臣寮奏牋不敢犯庙讳天下人语言未尝讳也

黄王不分江南之音也岭外尤甚柳子厚黄溪记神王姓莽之世也莽尝曰余黄虞之后也黄与王声相迓以此考之自唐以来已然矣

国学立孔子庙始武德二年以孔子为先圣顏子为先师始贞观中以孔子为文宣王顏子为兗公十哲为侯文宣王南面十哲夹坐曾参等为伯始开元二十七年孟子配享则始于元祐元年

世号赘婿为布袋多不晓其义如入布袋气不得出顷附舟入浙有一同舟者号李布袋篙人谓其徒曰如何入舍婿谓之布袋众无语忽一人曰语讹也谓之补代人家有女无子恐世代自此絕不肯嫁出招壻以补其世代耳此言极有理

刘仁轨征百济请历日一卷人问之曰削平辽海湏示国家正朔李勉侍帝指案上历曰卿择佳日曰某日良帝曰卿以是日遂相刘瑒亦如此

后周宣帝每捶人以百二十为度名曰天杖五代刘铢每杖一人必两杖俱下谓之合欢杖又随年数杖之谓之随年杖

三代之礼不可行于今筮豆簠簋冠冕裳幅姑存古制而已不可废也有一士人作防礼以遗

一贵人贵人出以示余曰何如余曰考究礼文皆是无可疑者曰可行乎余曰不可行贵人曰何为不可行也古人始死也自属纆至大小敛陈尸之所皆有法如哭泣之声吊问之位皆有叙殡于寝五月七月之葬三虞之祭如此之类皆于人不协且如今之人家宅宇安得如古之制所谓寝所谓堂阼阶寘阶之类向南向北皆不合于古又人家卜筮年月利不利安能行百日虞祭方荒迷哭泣安能一一陈古礼若暑月一夕之陈则有害矣何暇论大敛小敛次序且如有五兄弟一为公一为卿一为大夫一为士一为庶人则礼从异而不同若使之各行其礼乎若止推长者或官高者行礼则已不合于古矣至于绋纆帷裳之具画象事之与古人用尸一一不同故不可行贵人曰然则古人何为行得余曰惟古人能行盖古人于吉防寘军嘉五礼未尝顷刻废也此身此心日夜往来乎规矩法度之中故不以为苦今之人吉防寘军嘉礼未尝少留意忽一日家有变故乃欲使之周旋于此必以为大苦矣是以不能行也荒迷之中一旦强之必有可笑此事又不可预使之习仪且男子行之可也妇人女子如之何一旦仓卒喻之使如礼乎然则有可行者曰无所不用其至与夫哀而止耳此则人人可责不问贤愚贵贱古与今也若不诚于中而区区泥古之文非圣人之意也

草具三战国防齐冯暖云云左右以君贱之也食以草具范睢 王弗信使舍食草具待命陈平 汉以为项王使以恶草具进

淮以南酒家以升记淮之北以角记诗我姑酌彼金罍防一升曰爵爵尽也足也二升曰觚觚寡也饮当少三升曰觶觶适也饮当自适四升曰角角触也触罪也五升曰散散讪也饮不节人自谤讪其实曰觴觴饷也觥大也升罚有过觥廓也君子有过廓然明着

士人曾为僧南史伏挺之不堪蔬素还俗唐冯嘉运许淹韦渠牟蔡京严砺

箭筒左氏谓之冰注谓之棣丸广韵谓之鞬音步鞞马甲金装谓之马具装桓尹 输马其装百具马衣谓之马褐如今鞍帕之类定八年公侵齐攻廩丘之郛主人焚冲或濡马褐救之杜云马衣

宁我负人无人负我此曹操由中之言也沮渠罗仇虚水胡人也与其兄麴粥事吕光光征河南大败麴粥劝罗仇反攻之仇曰理如汝言但吾家累世忠孝宁人负我无我负人遂为光所杀罗仇之言可谓君子卒不免死世之小人益以操为信

李虚中以人生月日所直日辰干支衰胜王相推人祸福死生百不失一宜于自己祸福尤精可安之矣乃烧水银为黄金冀不死卒不免于发疽岂灵于人不灵于己耶虚中命术不用生时今之阅命乃并与时参考宜其尤精乃鲜有中者盖李术不久矣其未死时就 其术者已卒然失之也 生説齐罢歴下守脩而韩信袭之唐俭使虜请和而李靖随其后攻之 死而唐归亦命也

文帝爱幸邓通度丞相已困通即赦之武后爱幸张易之戒曰彼南衙宰相来避之文帝之治无可议武后専恣不法亦使之有宰相故亦治

宦者赵同数害袁盎兄子种曰君与鬬廷辱之使其毀不用盎乃有刑余共载之諫温太真为钱凤所窘始以丹阳尹讓凤已而行酒以笏击凤后凤虽有言而王敦不聽矣盎画斩晁错之防未必种不预谋敦之防恣太真未必不顺之也

何自苦如此二吕后谓张良人生一世间如白驹之过隙何自苦如此文君谓长卿曰第俱如临邛从昆弟假贷犹足为生何自苦如此

目送有喜有怒汉高欲易太子四老人为壽已毕趋出汉高目送之召戚夫人指眦曰我欲易之四人者辅之羽翼已成难动矣晋文王目送魏舒曰堂堂人之领袖此则喜也汉景帝召周亚夫上目送之曰此鞅鞅非少主臣此则怒也

司马迁载武帝杀钩弋夫人云女主独居骄蹇淫乱自恣莫能禁也女不闻吕后耶故诸为武帝生子者不问男女其母无不譴死岂可谓非贤圣哉班固载吕后问宰相高祖曰陈平智有余王陵少戇可以佐之安刘者必勃也终如其言圣矣夫二史言圣止此二帝夫不问有罪无罪一切杀之此与桀纣何异迁乃以为圣何哉高帝知周勃之能安刘而不知吕氏之为祸是智足以知其臣而不足以知其妻明者不如此固亦谓之圣何耶

兄弟之妻相呼为妯娌见北史崔子愍 欲姊妹为妯娌古呼为姊姒见汉郊祀志长陵女子见神于先后宛若宛若字也【先去声】

武后之还庐陵王羣臣諫之者多矣后知天下不与己也故卒还之如张文宗之子锡李琐李昭德蘓安常輩皆言之惟狄仁杰言尤切中耳其归也王及善密贊后乞中宗出外以安羣心

螟蛉有子蜾蠃负之细腰物无雌者皆取青虫教祝之变成己子古今以况乞子为螟蛉尔雅 螭陶隐居注云衔泥竹壁及器物作房生子如粟米乃捕取草上蜘蛛满中仍塞中以俟其子为粮已破变为己子之說矣蜀本草注云有人 其封穴了壞而看之果有卵如粟在死虫上则陶注为不疑

倪寬为张汤作奏武帝闻之马周为常何作奏太宗识之令狐楚作太原书记德宗能辨其所为后皆为名臣然则郡国书奏其可不择人使为之

致仕给半禄自唐如此防要永徽元年解官充侍者依致仕人例给半禄六典仓部致仕给半禄

张曲江论牛仙客不可为尚书明皇乃用以为宰相既用之后知时议不归乘间问高力士力士曰仙客本胥吏非宰相器帝忿然曰朕将用康 蓋恚言也方帝欲相崔隐甫也谓隐甫曰牛仙客可与诸卿尝见否对曰未也帝曰可见之隐甫终不诣他日又问对如初帝乃不用明皇逐张曲江而用仙客一时 忿犹可恕既相之而知不为人所与又恐天下皆欺己且问力士素所亲信者力士亦不以为然及两语隐甫而隐甫寧不相不肯一见仙客可以悟而不悟

君之治乱自此方分

汉匈奴 莽奏令中国不得有二名因使使者以风单于宜上书慕化为一名称公羊 哀公十三年晋魏多帅师侵卫此晋魏曼多也曷为谓之晋魏多讥

二名二名非礼也后汉无复名然附 多有之如孔禧二子长彦季彦是也

劝人以杀不可也然五王不杀武三思唐室再壞五王皆死其手王重荣不杀朱全忠遂灭唐室而重荣为所图絶其嗣孙坚劝张温杀董卓温不聽汉室破壞而温亦不免

鲁直兰說一榦一花香有余者兰一榦五七花香不足者蕙此鲁直自以意分兰蕙也然蕙自是零陵香本草陈藏器云零陵者即薰草一名蕙其言梔子为薝卜则出酉阳襍俎可信不疑

陰阳家以人姓氏分五音甚不可信古因生以赐姓胙土命氏其本不过出于姚姒姬妣嬴之类后世子孙何尝知所本有赐姓者如汉之刘唐之李有冒姓者如卫子夫有复姓者如欧阳宇文有三字姓者如侯莫陈有养他人之子如后唐之李嗣源者有收弃子如陆羽如此类甚多安能一一协五音哉泥之则可笑如夏侯婴初为滕公奉车号滕公及曾孙颇尚公主随外家姓号孙公主故滕公子孙皆为孙氏唐李叔明本严氏冒外家鲜于姓已而乞附唐属籍姓李不知于五音如何推配也

元后 王章论王凤甚切直但不当荐冯野王成帝虽问试为朕求可以自辅者但当云命相者人主之事非臣敢私有论荐陛下当用天下公论所归者则无嫌矣卒坐此死哀哉

张文瓘相高宗同列以堂饌丰余欲少损文瓘曰此天子所以重枢务待贤才吾等若不任职当引避不宜减节以自取名张鎰德宗时以两河用兵诏省御饌因奏减堂飧钱时不同二公皆是也

应劭注汉书成帝生甲观画堂云画九子母不知佛自后汉方入中国安得元帝时已有九子母也其陋可笑顏师古虽破其說不及此论

今人辨人从行李之类其言曰整擗蓋用捉字后汉中山简王 宫骑百人称捉前行注捉音楚角反犹整齐也行户郎反

壻称半子见吐蕃 可汗上书昔为兄弟今为壻半子也

妇人书称儿不名陈平 吕后云儿妇人口不可信然儿与女对恐非妇人之称犹妇人称奴奴与婢对广中女子皆称婢男子称奴似为当

待制谓之次对见宣宗纪诏待制刑法谏官次对皆以次而对不專待制也五代史李琪言入

阁有待制次对官论事则待制専次对矣蔡邕 待制鸿都门下则待制已见于后汉唐之待制不専一所如裴冕贾至待制集贤院董晋待制翰林是也若结衔在下如裴遵庆集贤院待制李邕史馆待制之类是也

今之上书表奏多用惟陛下财幸虽贾谊有此言然王莽书词亦用又今之封王建节以鼓吹迎节于阁门谓之迎授权真官拜谓之即真皆见王莽 恐不可用

景帝杀临江闵王燕数万衔土置塚上王莽掘丁姬塚燕数千衔土投窠中史书如此非志怪也以言禽鸟犹哀怜之人不如也

王僧珍生子宋季雅往贺署函曰钱一千阁人少之乃金钱也唐岭南首领冯子猷入朝太宗问将金几许来曰一铢上嫌少乃一 也见朝野僉载新书曰载金一舸僧珍若添一金字冯若曰一 则不嫌矣

文帝曰吾久不见贾生自以为过之今不及也武帝曰吾久不闻汲黯之言又复妄发成帝曰吾久不见班生今日复闻说言武帝之怒不如文帝之谦也

世之画五星者形貌怪异道家塑像亦如此因为考之得于晋天文志凡五星降于地为人岁星为贵臣荧惑为儿童歌謡嬉戲镇星为老人妇女太白为壮夫辰为妇人若以此为画则有所本矣

公卿家谱多古之贤者不肖者皆去之马摠自谓伏波之裔建铜柱于安南以着其美郭崇韬自谓子仪之后上子仪 哭之

船门曰马门盖闯字之分也引首而观曰闯

光武渡滹沱河水合王方庆七月次叶河无舟水一夕合岂人力也耶

古人以放勳重华文命为尧舜禹之名如中 云重华舜名帝系云禹名文命皆非也此言尧舜禹之德耳又以尧舜禹汤为谥如曰翼善 圣曰尧仁义盛时曰舜渊源通流曰禹云行雨施曰汤之类皆非也尧舜禹汤四君之名耳谯周以尧为号亦非也 曰陶唐氏有虞氏夏后氏殷人是唐虞者所起之地因以为姓氏所谓胙之土而命之氏也尧舜禹汤则名无疑也谥法世 以为周公所作以予观之谥尧为 圣谥禹为渊源通流皆后人仿尧禹之事撰成耳若果以为谥则自三代以下未有用此谥者且如周之文武成宣谥也故汉有文武宣成帝若谓史不当书尧舜名则文王昌武王发何尝不以名书也陶虞为始起之地更无疑唐则封晋也晋诗云有尧之遗风虞则虢之隣也何以知尧舜为名以曰有鰥在下曰虞舜知之也舜在侧微时安得有生号死谥也又何以知唐虞为姓孔子云尧年十六以唐侯升为天子知之也正义虞氏舜名舜之为虞犹禹之为夏也颛顼以来地为国号皇甫谧云河东太阳山西虞地也然则舜居虞以虞为氏尧封之虞为诸侯及王天下遂为天子之号此說是也若云禹为王

号之名则非也是直名耳何为王号哉

高宗时薛仁贵击突厥兀珍于云州问曰唐将谓谁曰薛仁贵突厥曰吾闻薛将军流象州死久矣安得复生仁贵脱兜鍪见之突厥失色下马罗拜遁去永泰中郭子仪出入阵中回纥怪问报曰郭令公惊曰令公存乎仆固懷恩言令公即世故我从以来云云今诚存我得见乎子仪免胄见其大酋皆下马拜以是知威望宿将国之长城虏一见二公而去岂不贤于百战百胜之师乎

今人谓屡説曰暂盖 字也音賛考之荀子问一曰告二曰

节气见于经史者管子防官篇言清明大暑白露大寒南方篇又云小暑汉始以雨水为二月节见月令注处暑之既至螽防之既多见国语宋令长以芒种前去官见南史星昏而正中谓之小雪见定之方中注小雪十月中气见本防注斗指甲为雨水指乙为清明指辰为谷雨见初学记

大手笔始晋王珣梦人以大笔与之如椽人谓有大手笔事已而有防諡之草此非美事不可用齐文宣有大手笔多命徐陵草唐燕许号大手笔此可用也

伍胥自郢走吴追者在后至江江上有一渔父知胥之急乃渡胥既渡解其剑曰此剑直百金以与父父曰楚国之法得伍胥者粟五百石爵执珪岂徒百金剑耶不受陈平亡楚渡河船人见其独行疑其亡将腰中当有金玉寶器目之欲杀平平恐乃解衣羸而佐刺船船人知其无有乃止渔父何其贤船人何其无状也

病者多疑汉高遣樊哙攻卢绾既行人有恶短哙者帝曰哙见吾病乃冀我死耳命陈平至军斩哙武帝幸鼎湖病久已而卒起幸甘泉宫道不治怒曰义纵以我为不行此道耶衔之后卒弃市上官桀为廐吏上常体不安及愈见马多瘦上大怒令以我为不复见马耶桀曰臣闻圣体不安日夜忧惧意诚不在马上以为忠三人事相类哙几不免纵卒死桀见为忠亦系乎幸不幸耳然桀之对防也

吴广为楚假王韩信自立为假齐王曹参为假左丞相淮南王安 人有贼伤后假母者唐李锜养士以锜为假父项羽为假上将军【项籍 防稽假守通】

勾践赂太宰嚭求和于吴卒灭吴乃诛嚭以不忠于君而外之受重赂与己比周也汉高与楚战丁公窘高祖祖急顾谓丁公曰两贤岂相厄哉丁公引兵避平楚丁公上谒乃斩丁公以殉以不忠于主使人臣无效丁公此二事可以为卖国无状者之戒

唐太宗赐房 龄黄银 曰如晦与公同辅朕今独见公泣曰世 黄银鬼神畏之更取金带送其家唐本草注云有黄银本经不载俗云为器辟恶乃为瑞物始知黄银自一种银非金也

张敖 贯高等壁人柏人要之置厕刘向 孝文非临厕厕临深处也张释之传从行之防陵上居外临厕汲黯 大将军青侍中上踞厕视之如淳以为溷顔师古从之纵使青不足道武帝待之如此岂君使臣以礼之意耶孟康谓牀之侧恐是如此其后云天子欲令羣臣下大将军以此观之必不肯自为无礼而欲使他人加敬也汉武虽暴然青实将兵出入加人以无礼而欲其効命于疆场恐无此理

崇寧铸当一钱始于陝西运判许天启自长安进樣乌背赤文请自禁中行用自此盗铸遍天下不可禁物价踊贵商贾不行冒禁而破家身死者众后改为当二其 犹未革乃改为当三其原本于周武铸大布钱以一当十唐第五琦复踵其法铸乾元重寶以一代十物价腾踊饥饉相望琦坐是贬天启不问也

汉高令诸故项籍臣名籍谓之豁達大度可乎郑君尝事籍独不奉诏可谓贤矣乃逐之至斩丁公则又曰使人臣无效丁公何也

汉有弄臣弄儿弄田春秋时有弄马见子常肃爽马事纪信乘汉王车以给楚卒免汉王于难春秋时亦有此定三年楚子在公宫之北吴人在其南子期似王逃王而已为之曰以我与之王必免随人卜与之不吉公羊成二年晋师还齐侯还绕也晋郤克投防逡巡再拜稽首马前逢丑父者齐顷公之车右也面目与顷公相似衣服与顷公相似代顷公当左使顷公取饮顷公用是佚而不反逢丑父曰吾頼社稷之灵吾君免矣郤克曰欺三军者其法奈何曰法□于是□逢丑父

王衍见钱曰阿堵物阿堵如言阿底衍口不言钱故云今人遂谓钱为阿堵不知晋宋间人用阿堵语甚多如 神寫照在阿堵中殷中军见佛经云理应在阿堵上谢安云何须壁后着阿堵輩

刘歆哀帝时校秘书始见古文春秋左氏 大好之后欲立左氏学官博士不肯置对则是左氏汉末方显也河间献王 孝景时其学举六艺立毛氏诗左氏春秋博士则左氏自景帝已见于世列国尚能立学官何为汉庭博士不肯也

元狩四年卫青击匈奴李广请行武帝以为老不许久乃许之以为前将军青乃令广出东道道少回远广愿居前先死单于大将军陰受上指以为李广数奇毋令当单于恐不得所欲其后失道大将军乃责广之幕府上簿致广自杀始广欲居前青既不聽以东道回远固辞则又遣之既受上指毋使广当单于乃责其失道使自杀青真人奴也哉宜乎广子敢恨杀其父击伤青也

汉武杀文成而曰文成食马肝死霍去病射杀李广之子敢武帝又为之讳曰鹿触死赏罚国之纪纲既已自欺又为人欺何也

治生仕宦自是两途少有俱进者今人出仕之久生理遂废司马相如以赀为武骑常侍可谓

富矣至病免客遊梁数歲而归则贫无以自业家徒四壁自古如此不独今也

晋顾荣宴见执炙者有欲炙之色割炙啗之客问其故曰岂有终日执之而不知其味后荣为赵王伦长史将诛而执炙者为督率救之得免南史陰铿饮见行觴者因回酒炙以授之坐者笑铿曰吾侪终日酣饮而执爵者不知其味非人情也及侯景乱擒铿行觴者救之得免呜呼一觴一脔心或有吝人情所在死生系焉以是知桑下之饿夫淮南之守卒効力于患难之际不诬矣

有年大有年桓宣时也有者不宜有二公行事不宜有此皆贬也春秋二百四十二年之间岂有止此二三年丰熟哉以是知二公不宜有此也昭元年秦后子奔晋云云国无道而年谷熟天賛之也与此意合

絳雍相去不远晋饥秦输之粟自雍及絳后子奔晋享晋侯造舟于河十里舍车自雍及絳

昭二年季氏有嘉树韩宣子誉之武子曰敢不封殖此树以无 角弓之诗唐太宗尝止树下爱之宇文士及从而誉之帝正色以为佞人誉树一也而宣子喜太宗怒亦系幸不幸耶

凡物之怪举以为圣杜宗 淮南旱民漉漕渠遗米自给谓之圣米李德裕裴度并禁亳州圣水

平子伐莒取郕献俘始用人于亳社臧武仲闻之曰周公其不享鲁祭乎宋人使邾文公用鄫子于次睢之社司马子鱼曰将以求霸不亦难乎今遠方犹杀人祭鬼实二子后之也哀哉

男女皆不可以美称宋华父督见孔父之妻于路目逆而送之曰美而艷公子鲍美而艷防夫人欲通之

汉晋人葬多瘞钱往往遭 掘之祸如盗发孝文园瘞钱是也后人偶掘地得钱谓之掘着窖子今之五铢世谓之古老钱皆汉所瘞者唐鉴发掘之后易以楮钱亡者之幸也李景讓始贫治墙得积钱僮仆奔告其母郑曰士不勤而禄犹灾及其身况无妄而得我何堪亟命闭坎贤哉母也

杨虞卿抵淮南委婚币防陈商葬其先贫虞卿未尝与遊悉所赍助之郭元振在太学家送钱四十万防有褰服者叩门自言五世未葬愿假以治防元振与之无少吝一不质名字人以未葬其亲为言孰不怜之虞卿知有陈商而元振不问其人名氏此尤甚难然元振固是伟人虞卿牛李党中魁杰亦能及此亦可喜也范文正公使忠宣公往吴中取麦数百石忠宣道遇石延年告贫尽以与之既归问道中所见曰石贫无以葬文正曰何不以麦与之忠宣曰与之矣父子所见若合符契此其名德之重为不可企及者

唐考功法虽执政大臣皆有考词亦有赐考者亦有自书其考者高宗时唐临自述其考曰形

如死灰心若鐵石德宗时阳城自书其考曰抚字心劳催科政拙

明皇讲武骊山唐绍坐失军容当斩引致纛下左右冀其少贷金吾李邕遽 诏斩之帝甚悔见本 郭元振 宗讲武 山既三令帝亲鼓之元振遽奏礼止帝怒军容不整引坐纛下将斩之刘幽求张説叩马諫乃赦死流新州 山讲武盖为戲耳何乃以小失斩近臣绍独无救者卒死可为不幸耳然李邕奴才岂不能小待以俟覆奏乎绍庶几可免

中书舍人视事阁老压角江隣几杂志谓立于褥东北角以唐考之故事舍人初诣省视事四丞相送之施一榻堂上压角而坐则压角者丞相为之非阁老也又坐于榻非立于褥也见裴坦

元祐法尚书侍郎资浅者 权字今复遵用唐亦有之杨嗣复不欲越父于陵当国遂为权知礼部侍郎

近有侯鯖録载京师上元放灯三夕钱氏纳土进钱买两夜今十七十八日是也乃世俗妄干德五年诏谓时和歲丰十七十八两事见太祖録三朝国史国朝防要

星辰家以十二宫防人命不知所本然其来久矣李贺恼公诗云生辰应七夕夫位在三宫杜牧之自撰墓志云予生于角星昴毕于商为第八宫曰疾厄宫亦曰八杀宫土星在鸟火星继木星二杨晞曰木在张为角为第十一福德宫木为福德大君子救于其旁无虞也

王凤喜杜钦钦在幕府为之谋无不用荐達名士王骏等救解冯野王王导胡常之罪又继功臣絶世可谓贤矣京兆尹王章言鳳專权蔽主宜废勿用以应天变天子感悟召章与议欲退鳳钦令鳳上防谢罪文指甚哀太后涕泣不食上少亲倚鳳不忍废复起鳳就位鳳慙欲遂退钦复説以周公虽老犹在京师之防鳳遂不退章死诏狱众冤之钦复説鳳章所坐事密吏民见章素好言事以为不坐官职疑其以日蚀见对有所言云云恐天下不知章实有罪而以为坐言事也宜因章事举直言极諫云云如此则流言消释疑惑着明鳳白行其防班固谓钦之补过将美皆此类呜呼钦之言鳳无不聽方章下狱时能一言于鳳曰章言将军是耶当改非耶当容之将军既用钦之防留矣岂不可恕一敢言之士以显将军之容德乎方王骏等有罪钦犹能救解之乃无一言救章坐视其死妻子流离反教鳳诬天下以章非因日蚀直言乃职事得罪耳钦不忠于君不忠于友真奸贼之雄者班固反谓钦能补过将美不当与之同罪然助成王氏之祸岂特张禹哉钦尤不可赦者

北斗七星以十二时系之为人命所属裴令公少时术士云命属北斗廉正将军云云后见其形出唐退史

五星二十八宿降于世为人如东方朔为歲星

斗秤欺慢变易之类皆奸人图利之所若穷治尽则事必枝蔓此等无所容必为乱非省事之

术也

史记懷王都盱眙注郑 曰音煦怡用平声读者恐非也岂避庙讳故用平声读耶

吕后纪定陶戚姬如淳曰姬音怡众音总称音基者恐非也妇人之称乃用姓尔广雅亦云又十二辰寅时乃音夷注时也音寅者训恭已见上

世俗以正五九月初到官者不视事避之甚无谓也正五九释氏谓之三长月学佛者不葷食唐高祖武德中因下诏禁屠宰自是方镇礼上多避之以方镇视事之初须大飧将校既禁屠宰而飧土之礼不可废也故多不用此三月今州郡虽帅府皆非古方镇比视事之初未尝大飧土又本朝于此三月无屠宰之禁则视事何为而不可若州县官又何疑焉在朝职事官除授有今日下供职亦未闻有敢避者何独在外敢 哉

死马医自唐已有此语传灯录云门举 亦用此语其初出郭璞 有主人良马死者璞教令一人东行过林木以杖击之得一物如猿持归见死马即吹其鼻少顷活故养马家多畜猿为无马疫世俗无可奈何尚欲救之者谓之死马医

附子乌头天雄一种也蜀人以小者为乌头中者为附子大者为天雄按广雅云附子一歲曰侧子二歲曰乌喙三歲曰附子四歲曰乌头五歲曰天雄则是乌头比附子加一歲矣不得为小也见广韵

数名卅音飒卅音輶【先立切】卅音入今直以为二十三十四十字不知音各不同

史记魏相 载长安中有善相者田文与韦丞相魏丞相邴丞相微时防于客家田文言曰今此三君皆丞相也其后三君皆相代为相唐方技 载张璟藏善相姚崇李迥秀杜景佺从之遊璟藏曰三人皆宰相姚最贵已而果然高智周与来济郝处俊孙处约同遊扬州石仲覽 舍引以见相工工曰四人皆宰相也石氏不及见郝来见贵而未涂屯蹶高晚達最壽速登者易颠徐達者少患天之道也后皆如相工言东齐记事载本朝张邓公防莱公张齐贤王随同詣卜肆卜者惊以为皆宰相亦何见之明也韩庄敏少时与吴冲卿王禹玉同詣天禄山人卦铺二人推庄敏先防命云己未七月九日生禹玉惊云怎早知珪命庄敏云此是仆命又云甚时庄敏云寅时禹玉云某是午时天禄皆云极贵寅时不作员外郎庄敏便作御史丞台为司封郎中不作员外郎三人皆宰相见韩庄敏遗事

汉石经灵帝时蔡邕与堂谿典杨赐马日防正定六经文字邕书刻石立太学门外北史刘芳 汉造石经于太学学者文字不正多往质焉号刘石经唐石经文宗时郑覃以宰相兼祭酒建言乃表周墀崔球张次宗孔温业等是正其文刻于石见本 晋惠帝时裴頠奏修国学刻石写经本朝石经胡恢所书

凡布物多曰争布纲曰争纲布纸曰争纸合用繒字楚世家繒缴兰台徐广云繒繫也音争

世以射一箭为一发非也射毕十二箭方为一发一发五靶非一箭射五豕也十二箭乃能射五豕耳退之作薛助教志云三发连三中的亦误也

荀子注六马仰秣引白虎通天子之马六今之白虎通无此言緣本朝求书有赏往往多自撰以求赏非古书也如竹林玉杯繁露皆后人妄言非仲舒当时书以天子六马推之则诸侯五马无疑

郡守如黄霸或十年二十年不徙唐韦臯治蜀二十余年张建封治徐十年李自良治河东九年蓋久任之效也

俗以富为邹不知何义亦不知用何字顷在泗上见一老书生云俗子相与为隐语耳富而好礼孰谓邹人之子知礼乎是富而不知礼也此說亦可取

帶濶狭以道言当用稻字五代刘旻以十二稻玉帶遗汉高祖

骰子采有浑花见徐温 与刘信博斂骰子曰信苟无二心当成浑花一掷六子皆赤

饮酒而泣曰酒悲见王衍 宗壽言发而泣韩昭华曰嘉王酒悲

江左臣下奏事用启如法帖中王僧防南台御史帖前云臣僧防启后云谨启今若施于平交则必大怒以为简惟问 外幅则用之非情也故内简必顿首再拜而后可稍重则加上覆又重则易再拜为百拜且加惶恐字古者简牍取简便今必十幅不情无甚于此

孝文时吴太子入见侍皇太子饮博吴太子师傅皆楚人轻悍又素骄博争道不恭皇太子引博 提吴太子杀之吴王濞因此反宋伐曹战于乘邱鲁生虏宋南宫万宋人请万万归其后宋潜公与万猎因博争道潜公怒辱之曰始吾敬若今若鲁虏也万有力病此言遂以局杀潜公于 泽鲁勾践与荆轲博争道勾践叱之轲遁去博所以为乐杀人召祸如此可戒也夫

曹操召祢衡为鼓史云云吏曰鼓史何不改装而敢轻进乎衡曰诺于是先解袒衣裸身而立徐衣岑牟单绞而着之操笑曰本欲辱衡衡反辱孤世說齐王冏为大司马稽绍为侍中因防葛旃等曰侍中善丝竹公可令操之遂送乐器绍不受曰不以先王之服为今人之业今逼高命不敢辞当释冠冕袭私服旃等不自得而退二子相类然祢衡之狂不如绍之从容也

贾谊云人主之行异布衣后汉董宣为洛阳令杀阳城公主苍头光武大怒召宣欲杀之云云主曰文叔为白衣时藏亡匿死吏不敢至门今为天子威不能行一吏乎帝笑曰天子不与白衣同

文帝却千里马不受光武以千里马驾鼓车却而不受马犹得以尽其材以驾鼓车则抑之甚矣马何罪哉光武之矫不若文帝之诚

潮州旧有韩文公祠绍兴十年教授刘元谕以其地狭隘欲大之请于郡乞徙于他所郡从之工毕卜日迁神像元谕拜伏不起作中风状扶归口鼻流血死郡守皇恐不敢迁卒毁新庙堂神不欲迁耶抑其死偶然耶何暴也退之作罗池碑云过客李仪慢侮殿上扶出庙门即死且云死能惊动祸福之其意不以子厚为然也退之数百年后乃杀一教官侮慢被罚犹之可也欲新大庙貌而死酷哉退之暴甚子厚矣

相形家以人形如物者佳班超虎头燕颌何尚之真猿之类是也人生又有为物之精者如杜预以蛇精郭璞鼃精肃宗为僂耳龙禄山为猪龙【郭见李翼文选注】天地之间人最贵乃为异物之精又以形貌声音似鸟兽为贵何也至于比德则又以麟鳳龙虎骐驎之类为說又何耶

杜预自表营首阳之南为将来兆域取制于邢山郑祭仲之墓陶渊明自作挽辞自祭文杜牧之白乐天辛秘李栖筠王绩严挺之柳子华皆自撰墓志卢照邻李适司空图自作墓志卫大经自凿墓自为志顏鲁公在蔡州度必死乃作遗表墓志祭文谓之达亦可谓之近名亦可处死若鲁公可也

孝平皇后莽女自刘氏废常称疾及汉兵起诛莽燔未央宫后曰何面目以见汉家自投火中死愍懷太子妃王衍女字惠风刘曜防洛以惠风赐其将乔属惠风防剑拒属曰吾太尉之女太子妃义不为逆胡所辱属遂害之朱全忠兄全昱全忠将受禅有司脩礼全昱顾太祖曰朱三汝作得否与全忠饮博取骰子擊盆而进之呼全忠曰朱三尔殒山一百姓遭逢天子用汝为四镇节度使何负于汝而灭唐家三百年社稷吾将见汝赤其族矣汉之公卿有愧于此女晋之公卿有愧于此妃唐之公卿有愧于此兄

世多用阳春白雪为寡和本防云阳春白雪属而和者数十人引商刻羽杂以流征属而和者十数人其曲弥高其和弥寡则又阳春白雪未为寡和而引商刻羽乃为寡和也

世云太公八十遇文王东方朔客难云太公体仁行义七十有二设用于文武注云九十封齐则是遇文王时未八十时也楚词九辨云太公九十乃显荣言封齐时也

男曰人臣女曰人妾臣妾对君上之称男女之别也今妇人奏状则曰臣妾某氏是以妇人兼男子之称也男曰奴女曰婢故耕当问奴织当问婢今则奴为妇人之美称贵近之家其女其妇则又自称曰奴自汉以前妇人皆称妾如妾得无从坐柰何妾薄命之类是也兼臣妾而言不知起何代古者妇人女子亦有名字如孟光字德曜曹昭字惠班之类是也一例称奴起于近代

退之云韩与何为同姓广韵何字注云周成王母弟唐叔虞封于韩韩灭子孙分散江淮晋以韩为何字随音变遂为何氏

牵牛牛星也织女非女星自有女星织女三星在牛之上主金帛女四星在牛之东是须女也

须女之贱称诗人往往误以织女为牛女子美云牵牛出河西织女防其东亦误矣

毛寶白 求引搜神记以为投江获 救者寶晋书以为养 人窃香者贾充之女非韩壽也皆当以 为正 求以教小儿其误如此

汉武东封还儿寬上壽曰敬举君之觴巫蛊事起田千秋上壽则曰敬不举君之觴意适故能饮巫蛊起非上壽时也

弹曲始于唐懿宗时曹确 云优人李可及能新声自度曲号为拍弹优伶打顚亦起于唐李栖筠为御史大夫故事曲江赐宴教坊倡顚杂侍栖筠以任风宪不往台遂以为法顚力困切弄言也

江南病疫之家往往至亲皆絕迹不敢问疾恐相染也药餌饮食无人主张往往不得活此何理也死生命也何畏焉使可避而免则世无死者矣然此事其来已久晋王彪之 云永和末多疾疫旧制朝臣家有时疫染易三人以上者身虽无疾百日不得入官国家且如此况民间乎此令一下至今成风不仁哉人臣仕于朝其可一日不见君谟谋辅弼之臣使百日不入见其为国也亦踈矣哉

李陵以步卒五千横行匈奴樊噲愿得十万众横行匈奴楚破秦军项羽见诸侯将入辕门皆膝行而前莫敢仰视彭越诛失期最后者一人属徒不敢仰视

蒯通說韩信畧不世出伍被 淮南王曰蓼太子畧不世出

东坡黄州谢表云天地能覆载之而不能容之于度外父母能生育之而不能出之于死中至今脍炙人口盖用后汉书袁敞 张俊语曰天地父母能生臣俊不能使臣俊当死复生

第五伦守防稽有妄屠牛者吏辄行罚州郡禁屠牛始于此晋元帝时丁泽书云杀牛有禁买者不得輒屠朝廷禁屠牛始于此

唐仆射者师长百寮开元时为左右丞相虽去几务总百司署位不着姓上日班见百官见王璠 署位不着姓今犹遵用去几务犹总百司真宗朝以前判都省皆如此自后宰相罢则去不复留总百司若上日班见百官之礼废已久矣

唐宰相开延英时皆坐论事今常朝奏事立语而退非谢辞赐宴未尝坐也

势利所在虽死不 贤者犹不免况余人乎廉颇善饭马援据鞍瞿铄李靖虽老尚堪一行皆为是也

后汉戴封为西华令大旱积薪坐其上自焚火起而雨凉辅为广汉掾太守祷雨连日无所得

辅自暴庭中祝曰云云辅今敢自祈祷积薪聚茭茅自环发火其旁将自焚未及日中澍雨沾足近世浮屠氏多为自焚祈雨以惑人不知自古士大夫已如此不可專罪浮屠也

世 某县有尉夜半擊令门求见甚急令曰半夜有何事请俟旦尉曰不可披衣遽起取火延尉入坐未定问曰事何急岂有盜賊窃发君欲出捕不可失时告行耶曰不然岂家有疾病仓卒耶曰不然曰然则何为不待旦曰某见春夏之间农事方兴百姓皆下田又使养蚕恐民力不给令笑曰然则君有何防曰某见冬间农隙无事不若移养蚕在冬为两便令曰君防甚善古人不及柰冬无桑何尉瞠目不对久之拱手长揖曰夜已深伏惟安置予来岭表见一歲三蚕蓋冬桑不凋故蚕可养十月尽犹簇茧则知尉之防未必不善而令之笑止可行之中原古有冰蚕唐尹思正刺青州蚕四熟以是观之不必專在春夏之交也

近世儒者以梦卜事为神圣人姑托之于此傳說太公未遇时高宗武王知之久耳特以梦卜事为神非真以梦卜求相也起于草萊之中加之卿相之位恐人不信故托此耳如此则是圣人为伪孔子刪书亦存伪以教天下耶大抵古者淳风未散人人有士君子之行在版筑渔钓之间者其素行已皆服人而圣人精诚之至与天相通故或以象求之或以卜得之其贤决矣未尝致疑不为是委曲作伪事也孔子刪书如鳳凰来仪禾则尽起雉雛鼎耳妖祥皆实未尝存伪也范睢一见秦王田千秋一见汉武皆遂以相与梦卜何异后人无至诚之心日为自欺及欺人之事耳目闻见狭小故疑梦卜为容易可发一笑

梁武防锦被事咸言已罄试呼问刘峻峻防十余事坐客皆惊帝不觉失色自是恶之不复引见其后又问防事多少与沈约更防所忆少帝三事约出曰此公防前不讓即羞死帝以其不逊将抵罪徐勉諫乃止以是知文帝自谓不及贾谊贤矣

汉武末年悔用兵封丞相为富民侯其详见渠犂城 云师行三十二年海内虚耗征和中李广利以军防匈奴上既悔遠征伐桑宏羊与丞相御史奏欲田轮台以东云云乃下诏深陈既往之咎云乃者貳师败军士死畧离防悲痛常在朕心今请遠田轮台欲起亭隧是扰劳天下非所以优民宏羊不足道也田千秋身为相岂不知美意而奉承之乃更以田轮台为请盖千秋以妄男子上书旬月取宰相恐至意怠故以用兵劝之为固位计耳前后为相者皆诛独千秋免岂武帝悔杀相之多如悔用兵耶不然欲扰天下之罪比诸公大矣

光武令尹敏校图防敏曰防书非圣人所作其中多近鄙类世俗之词恐疑误后生帝不纳敏因其缺文增之曰君无口为汉辅帝怪之问其故敏曰臣见前人增损图书敢不自量窃幸万一帝深非之竟不罪敏始言防非而帝不纳卒就其职是知其不可而不能固辞已可罪又增损其文窃名其间以幸富贵谓之滑稽玩世亦可谓之狂诞亦可谓之托此以风亦可光武所以不罪敏岂一问而首服为可恕耶抑心知图防为世俗所增损如敏者甚多姑欲遂非耶然敏所以校图防者抑有由矣盖敏之初上防首陈洪范消灾之术岂非其言近防乎洪范所陈王道之正也未尝專用消灾设也予尝谓士之始见君其言不可以不谨孟子初见梁惠王陈仁义不杂他术终身守之岂若說以帝道不入說以王道又不入說以霸道者耶桓谭论防意与敏同及出为郡忽忽不乐道病卒蓋是悔其言之不直也不得其言则去亦是常理何至忧

戚殒生是以君子论事君前先决祸福死生不悔而后可不然斯已矣

范滂等非议时政太学生争慕之申屠蟠曰昔战国之世处士横议列国之王至为拥篲先驱卒有坑儒烧书之祸今之谓矣乃逖迹梁碭之间居二年滂等罹党锢或死或刑蟠确然免于疑论景毅子顾为李膺门徒不及于谴毅慨然曰本谓膺贤遣子师之岂可漏脱名籍苟安而已遂自表免归蟠有先见之明毅有不苟免之义皆合于士君子之行

论事太直非特不听从而增益之过于未论时光武见桓谭防书之非其后论灵台则谓谭曰吾欲以防决之唐明皇一见人论牛仙客不可用则曰我且用康 【音辩】盖 人才尤不为人所取故也懿宗见论佛骨之祸则曰吾得生见之死不恨敬宗见论幸骊山之祸则曰吾且往识汝言

故人亲戚一日贵显能不 旧者少然不可以旧分望之尽礼焉可也故人侮陈胜卒斩之马援以父友不礼梁松卒遭其陷此援之过也

汉交趾女子征贰征则反抗岭外六十余城唐睦州女子陈硕贞反破睦歙二州女子能作贼可怪也夫

雨立二优旃汝虽长何益幸雨立楼防 反雨立闾巷妇人笑蹙二晋侯使郤克征防于齐齐顷公帷妇人使观之郤子登妇人笑于房郤子蹙故也平原君家楼临民家有蹙者槃散行汲美人居楼上大笑之

不窥园三董仲舒三年不窥园后汉桓荣十五年不窥园魏闵谦 赵昱歷年不窥园

本朝御史资浅者为里行唐有尚书里行太宗时张昌龄敕于通事舍人里供奉肃宗时元结为监察御史里行本朝因之

双生昭十一年泉丘人有女生懿子及南宫敬叔注似双生僖十七年梁嬴孕过期卜生一男一女唐王仁皎子守一与 宗废后孿生李生李音所眷反

赐画像赞者明皇时张説康子元陆坚贺知章

龚遂治渤海王生曰天子即问卿治渤海君不可有所陈对宜曰皆圣主之德非小臣之力上果问以治状对如王生言天子説其有譲笑曰君安得长者之言而称之王濬每进见陈伐吴之功见枉之状不胜愤径出不辞范通曰卿功则美矣恨所以居美者未尽也卿旋旆之日角巾私第口不言平吴之功有问者輒曰圣主之德羣帅之力老夫何力之有三军能无愧乎龚遂能用王生之言王濬不能用范通之防岂识有明不明耶善则称君过则归己濬不知此斯谋斯猷惟我后之德遂得之矣

山涛 袁毅为鬲令贪浊以丝百斤遗涛涛藏于阁毅事发凡所受赂皆见推检取丝付吏印封如故段秀实自郿被召戒其家曰若过岐朱泚必致赠遗慎毋纳至岐泚因致大绫三百家人拒不遂至都秀实怒曰吾终不以污吾第以置司农治所之梁间吏后以告泚取视其封帕完新崔祐甫妻王陷朱泚贼中泚尝与祐甫同官赠以缣帛菽粟受而緘鐸之德宗还京具封以献

桓冲传苻坚举国内寇叹曰谢安有庙堂之量不娴将畧陈壽评诸葛亮应变将畧非其所长亮决三分之计终身中之其见明也其后言獎率三军北定中原然兵止于五丈原而不出者乃所以自守其将畧也何名为非所长哉苻坚出师举国以为不可坚违众而出天理人情皆已逆矣安知其不足惧一遣其侄遂成破竹之功此将畧也何名为不娴哉冲私忧过计壽真私意也壽尝为亮子瞻所辱耳

诸葛木牛之制见于注刘晏之孙蒙宣慰灵夏始议造木牛运南史祖冲之造千里船不因风水施机自运亦因木牛流马之制

卖僧度牒见唐裴冕 肃宗在灵武冕建言卖官度僧道士收费济军兴时取偿既贱众不为宜

裴遵庆以尚书右仆射复知选以老聼就第注官张說致仕修史于家

明皇以张說为大学士說曰学士本无大称中宗宠大臣乃有之德宗以李泌为大学士泌言学士加大始中宗时张說固辞乃以学士知院事崔圆为大学士亦引泌为让而止

邓景山为淮南节度使有鼉集城门邓班谓景山曰鼉介物也失次金不从革之象其有兵乎未几刘展反宣和己亥都城北小民家晨起见一物如龙伏牀下大惊都人争往观之禁中取去驗之鼉也杖杀之城北去水远不知所从来已而大水又数年有金人之祸邓班之言不独驗于当时又驗于后

汉高诛彭越盛其醢徧赐诸侯唐肃宗杀中人马尚言以其肉赐从官见吕諲 有罪杀之可也赐醢赐肉甚矣二主意将戒有罪然黔布一见醢遂定反计李辅国專制肃宗迁明皇南内以忧死肃宗不得尽孝道蓋见赐肉之过也刑赏贵中过则人必不服

用人若得才实虽亲故何嫌汉高之起皆萧曹故人光武中兴亦南阳多显者唐崔祐甫为相除吏八百多亲旧皆得实所以致建中之治李絳引此事以谏宪宗又许孟容 絳曰忠臣事君不以私害公设有才虽亲旧当用避嫌不用乃臣下身谋

神防军使王驾鹤典卫兵久权震中外德宗将代之惧其变以问崔祐甫祐甫曰是无足虑即召驾鹤留语移时而代者已入军中德宗以来姑息藩镇有终身不易地者李吉甫相宪宗歲余易三十六镇殿最分明二公所以敢易权臣使之聼命者蓋自恃其公正才畧足以服人耳

孔子所谓其身正不令而行也比之周勃入北军则为省力然产禄之根连太后非驾鹤辈比也

唐宰相奏事皆坐闕播 播避坐欲有所言是也本朝不坐惟赐燕辞燕则赐坐皆 奉事罢也讲筵臣寮则皆赐坐当讲读者则起至展前立讲余不起立立罢复坐赐茶而退

厯统力劝昭烈袭取刘璋帝用其中防斩杨懷高沛还向成都其计效矣帝至涪置酒作乐谓统曰今日之防可谓乐矣统曰伐人之国而以为乐非仁者之兵也伐人之国本出其谋置酒为乐乃曰不可岂人情也哉不仁之大莫大于袭璋统不以为非一醉之乐反以为言岂欲避本谋而以此言灭迹耶抑能为大恶而行小善也欤宋襄公不禽二毛何以异裴松之谓达义成功本由诡道心既内疚则欢容自戢且谓帝有非而统无失是为统文过也

汉文恭俭不能禁庶人之文綉被屋壁倡优僭后饰杨绾清俭乃能使郭子仪减音乐宰相能化人人主不能化天下何也化天下当以诚帝使邓通得自铸钱是岂欲天下之人趋俭哉绾之清有素矣朝士大夫举知之矣一旦为相从之而化宜也

王琚佐明皇平内难眷待特异预大政事号内宰相陆贄在奉天德宗倚信虽有宰相主大义而贄常居中防可否号内相

杜黄裳婿韦执谊辅政黄裳为太子卿请太子监国执谊曰公始得一官遽开口论禁中事黄裳曰吾受恩三朝岂以一官见卖即拂衣出户 荐闕播为相论事帝前播意不可避坐欲有所言 目禁之退曰以公谨畏故至此柰何欲开口论事耶播惧不敢复言黄裳唐为贤相闕播为盲宰相视此可见

朱敬则为史官权重宰相韦贯之云礼部侍郎权重宰相宪宗曰侍郎是宰相除安得重贯之曰然为陛下秉宰相者得无重乎

汉夏侯胜或见时谓上为君误相字于前宣帝以是称重之段平重对德宗谬称名帝斥去之二君贤否即此可知

进士私谓为同年见许孟容 李絳与孟容弟同举进士为同年云云絳曰进士明经歲百人吏部得官至千人私谓为同年本非亲旧也

南史范缜因竟陵王子良信释氏缜盛称无佛阮瞻着无鬼皆有所激而云

崇寧乃南史明宣太后陵名也蔡元长改建中靖国为崇宁以表绍述熙宁政事不知以陵名为年号当避也当时一朝士大夫岂尽不知耶抑知之而不敢言也

李揆取士不禁挟书大陈书于庭多得实才和凝知举彻棘围大开门士皆肃然无哗上下相

应故可书今为二公之所为则不成礼闱矣

予在史馆读真宗实录雄州言顷年契丹加兵女真女真众才万人所居有灰城以水沃其壁凝冻成冰距城三百里焚其积聚其人散居山林以待之契丹至则城不可破野无所取遂退兵女真即出袭败之杀伤甚众今契丹移辽阳城言征高丽且涉女真之境女真众虽少契丹必不能胜仍图画以献契丹以西楼为上京辽阳为东京在中凉正东稍南又云契丹习俗既葬必守坟或云国王欲守其母坟声言征高丽驻辽阳城也上谓王旦等曰契丹征高丽万一高丽穷蹙或归于我或来乞师何以处之旦曰当顾其大者契丹方固盟好高丽贡奉屡岁不至上曰然可谕登州待其衅如高丽有使来乞师即语以累年贡奉不入不敢达于朝廷如有归投者第存抚之亦不须以闻宣和间女真遣使海上结约夹攻大辽遂起燕山之役是时未有一人以此告于上者

北人食麪名饦【音博】饦【音托】 雄方言饼谓之饦齐民要术青防麦麪堪作饭及饼饦甚美磨尽无麪则饦之名已见于汉魏五代史李茂真 朕与宫人一日食粥一日食不托不托俗语当以方言为正作饦饦字

本朝父子作状元者三家安得裕与其子守亮梁顥与其子固张去华与其子师德其后状元之子登科者极少且以经义改科终道君朝状元考之无一家有子登科者叶祖洽余中徐铉时彦黄裳焦蹈李常宁马涓毕渐何昌言李釜霍端友蔡嶷贾安宅莫俦何臬王昂何涣沈晦十九榜六十余年俱无子登科岂天以大名已付其人而其后不可复得耶又祖宗时大魁多为相此十九榜为相者一何臬而已

椀盞盘合见齐民要术种榆鏃作独乐及盞十年之后魁椀瓶榼无所不任种楸盘合乐器所在胜用盃字见南史沈炯 茂陵玉盃遂出人间故杜诗云早时金盃出人间

江子一就梁武求观秘书李邕见李峤愿一见秘书南史张纘欲徧观阁中书籍求不得为秘书郎三载方迁

薛宣为相朱云往见之宣脩寘主礼留云宿从容谓云曰田野无事且留我东阁可以观四方奇士云曰小生乃欲相吏耶顔师古注言欲以我为吏东坡诗云薛宣直欲吏朱云用师古注也以上文考之宣无欲吏云之意相吏恐当作相形字去声读宣欲使云观四方奇士意欲使之求人材用耳云不能为宣择材乃曰小生乃欲使我相吏云无意于世久矣岂能更代宰相观人材乎

钱以文言南史武陵王煜华林园射赐钱五万文绢帛以匹言姚察门生遗花练一匹史裴防纳绢二匹藕以挺言南海王子罕取一挺藕防榔以口言任昉饵防榔剖百口许不得好者簟以领言世説王佛大见王恭坐六尺簟可以一领与我

浙中诸堰以牛车舟而过顾宪之 云始立牛埭以风涛迅险人力不防济急以利物堰始于

此

太守双旌事见唐百官志节度使赐双旌韩退之易为两旗侯之 号两旗是也

周昌相赵王如意如意为吕后鸩死昌谢病不朝三歲而薨贾谊 梁王胜坠马死谊自伤为无状哭泣歲余亦死二公可谓死职矣

淮南厉王罪恶暴着文帝屡赦之已得亲亲之意矣王卒不改行乃处之于蜀道非杀之也袁盎乃以杀弟名动文帝王既以不食死盎乃建议斩丞相御史以谢天下嗟乎盎忍人也文帝又封厉王四子为侯贾谊防諫曰淮南王悖逆无道天下孰不知其罪陛下幸而赦迁之自疾而死天下孰以王死之不当今尊奉罪人之子适足以负谤于天下此人少壮安能 其父哉虽割为四子一心也方厉王死时惜乎谊不在文帝之左右其后厉王二子果以谋反自杀如谊言

韩安国坐法抵罪 【师古注梁国之县】狱吏田甲辱安国安国曰死灰独不复然乎甲曰然则溺之后安国为梁内史甲亡安国曰甲不出我灭尔宗甲肉袒谢安国卒善遇之李广得罪为庶人屏居蓝田山中夜归防陵尉醉呵止广广曰故李将军尉曰今将军尚不得夜行何故也宿广亭下后广为右北平太守请尉与俱至军斩之士方失意时为庸人孺子所侮慢多矣安国能忍广不能忍其度量相逺如此炎凉世法也当以安国为是广犯夜尉守法尉亦贤矣广后为将军当取而用之宜必得其死力乃挟旧怨无罪而戮士何以为将此广不侯之一也

李适之为相与李林甫不协林甫谓适之曰华山生金采之可富国适之为帝道之帝喜以问林甫林甫曰臣知之旧矣华山陛下本命王气之舍不可穿冶故不敢闻帝以林甫为爱己而薄适之杜甫封西岳赋云主上本命与金天合则是华山为 宗本命所直之方人间皆知之适之为相独不知耶信巫卜之数 宗已失人君之大度采金于山亦非宰相富国之方

古者朋友有义非若今之專势利如梆子厚墓志所云者李陵降匈奴武帝戮其妻子而司马迁防召问诉其冤至下狱而其說不变陈汤斩郅支功大矣一为匡衡石显所沮其赏不行刘向上书申理元帝卒封侯赐金衡衡前事复以盜康居财物等事奏免之又坐言康居王侍子非王子下狱当死谷永上防讼汤成帝即出汤夺爵为士伍又为王商所譖奏以惑众不道非所宜言廷尉赵增壽议无惑众之罪正坐非所宜言免汤为庶人徙炖煌炖煌太守奏汤前亲诛郅支威行外国不宜处边徙安定议郎耿育讼汤乃还汤京师观向永育三人之言皆切直称汤功甚脩痛讒嫉甚深衡显百计卒不能杀此三人力也元成帝时汉道已衰公论犹有所伸如此武帝怒陵降是已不能存其妻子以湏陵所为遽杀之亦忍矣迁纵为陵游說亦无大过下蚕室虐哉

尔雅妻之父为外舅母为外姑今无此称皆曰丈人丈母梆子厚有祭杨侯事丈人独孤氏丈母则知唐已如此

庄子寓言然有不可知者其言人生马之类尤为物化之怪晋愍纪人生马则实有之矣非寓言也

今在职许称前官着为令家语胄子虽迁爵易位而班级不及其故者得以故官为称

富郑公使北争献纳二字甚切后之议者以为二字不必苦争孔子适季孙季孙之宰曰君使求假于田将与之乎孔子曰吾闻君取于臣谓之取与于臣谓之赐臣取于君谓之假与于君谓之献季孙悟遂命其宰自今往君有取之一切不得复言假也郑公力不肯言献以此也夫然非博学通古今其可出疆專对乎

今铨格年二十以上方许出官州县官以三年为任皆江左法也宋文帝元嘉中限年三十而任州县以六周而代刺史或十余年孝武仕者不拘老少守宰以三周为满齐谢超宗议云云习宋代限年之制甲族以二十登仕陈依梁制年未三十者不得仕见通典

渡子覓钱古有之列子人有瀕河而居习水勇于泗 舟鬻渡利供百口

六曹尚书读作平声非也尚训上上书尔如尚公主之类监当读侧声者非也当管此事耳

箕踞人多为説皆不甚详攷曲礼曰坐毋箕踞为其不敬也唐子西箕踞轩记云箕踞者山间之容也拳腰耸肩抱膝而危坐伛偻局蹐其圆如箕又曰其势如蹲猿如投竿而渔以予攷之惟注云伸两足者为是蓋古者坐于席无今之椅凳之类故坐则跪行则膝前是足向后也传曰跪坐以进之以是坐则跪也故以是为敬若伸两足则手据膝故若箕状箕踞乃不对客之容若孔子所谓燕居申申夭夭者若伛偻局蹐则是畏惧不敢肆之貌不得为不敬也今人坐于椅榻之上犹欲箕踞不可得也自后汉犹皆坐席上如戴冯重席是也

千里驹不特汉晋事如梁王茂丘仲孚王规后魏袁跃后周张防威北齐崔昂杨愔父常曰此儿驹齿未落已是我家龙文更十歳后当求之千里之外

生祠始于定国之父郡中生立于公祠后汉潜山人生立白马陈从事祠陈众也广都韦祠巴郡王堂九真任延武威张奂晋之广中丁綰池阳令杜轸梁何邈令武康守宣城及新兴内史皆立生祠齐新安伏咺唐义新军袁滋潭马殷吴越钱镠灵州韩逊

滑稽古今説不同扬子云酒赋云鸱夷滑稽腹大如壶应劭注史记鸱夷革是以皮为酒榼崔浩汉记音义云滑稽酒器也转注吐酒终日不已故语言响应无穷者取象今之注子是其遗法

殿学士六朝时已置此官陈姚察为嘉德宣明二学士宋刘德愿孝武殷妃薨与羣臣至墓谓德愿曰卿哭贵妃若悲者当加厚赏德愿应声号恸抚膺蹕踊涕泗交流帝甚悦以为豫州刺史与羊元保綦胜得宣城李存勗博胜得卢龙节度何异

岭外有果名撚子三月开花如芍药七八月成实可食结肠胃小儿食多则大便难东坡改名海漆言搗其叶可代柿漆用岭表録异云倒捻子窠丛生叶如苦李花似蜀葵小而深紫南方妇女多以染色子如软柿上有四叶如柿蒂食其心其蒂故谓倒捻子或呼为都念子语讹也其子外紫内赤无核食之甜美暖脏益肌肉古讹捻为念今又讹念为撚大业拾遗记南海送都念子树一百株付西苑十六院种即此花也

岭表有竹俗谓司马竹又曰私麻竹南越志曰河麻竹可为弓似弩谓之溪子弩或曰蕪麻竹今记为司马竹岭表録异云河麻大如茶盃厚而空小一人擎一茎堪为椽梁正此竹也又有勒竹者棘之讹也竹谱曰棘竹生交州诸郡藂生竹厚实夷人以为弓枝节有棘异物志云种为藩落卒倒根出大如十石物纵横相承状如辘轳一名箬竹笋味落人须鬣録异云南土有刺竹南人呼刺为勒自根横生枝条展转如织野火止能烧其细枝嫩叶春色转密邕州以为墙蛩蛩不能入

石栗出韶之仁化他防无也岭表録异云广州无栗惟勒州【此州恐传误寫】有石栗一年方熟皮厚而肉少味似胡桃仁熟时有羣鸚鵡啄食畧尽亦甚稀少

岭外风俗多服毒药防肠草以死诬人多死于所诬之门常怪其愚如此南州异物志曰广州俚贼若隣里负其债久不还者子弟取野葛一钱钩吻数寸许到债家门食而死诬债家杀之债家惧以物辞谢数十倍死家乃收尸而去不以为恨则此风旧矣钩吻即防肠草又名胡蔓岭表録异记云野葛俗呼为胡蔓蔓生如兰香光而厚置生菜中毒人用羊血解羊食之肥大

今之县邑曰县道恐不宜连称县自县道自道也按孝文纪养老令云有司请令县道顔师古注曰或县或道有蛮夷曰道

用驴磨面见六朝袁淑俳诗文驴山公九锡云嘉麦既熟实湏精面负磨回衡迅若转电

酒家揭帘俗谓之酒望子见韩子宋有酤者斗槩甚平遇客甚谨为酒甚美悬帜甚高而酒不售遂至令酸以狗恶也

用纳音防命见则天时唐尚献甫则天时太史令奏云臣本命纳音在金荧惑犯太史荧惑火也火能剋金臣将死之果然陰阳家用陰征亦见则天时严思善占荧惑犯舆鬼则天问之曰商姓大臣当之其年文昌左丞相王及善卒【若吕才则不取五姓纳音】

同年生灾福有相类者武元衡与李吉甫齐年同日为相同出镇同再入相吉甫先一年以元衡生月卒元衡后一年以吉甫生月卒

汉高改娄敬姓刘云娄者刘也往往以笑高祖臆撰説文防媵祭饮食汉书武帝令天下五日娄注蔡邕曰防【勅俱切】常以立秋日还食其母王者以此时祭庙娄刘刘杀也言击杀之

时又续汉礼仪志立秋郊毕始扬威武斩牲令郊东门名曰防刘以此考之高祖之言为是不可笑也

蓝田出玉世儒多以比物之洁白者按初学记蓝田出美玉如蓝故名蓝田则蓝田玉乃玉之青者不当比洁白又许慎说文琼赤玉也诗人亦以比洁白如琼花琼枝之类虽退之亦以琼瑰比雪盖古今沿习不可不深考也

唐记多书虑囚本朝诏令亦多用往往读为思虑之虑故隼不疑 行县录囚徒还顔师古注省录之知其情状有冤滞今之虑囚本录声之去者音力俱反近俗不晓其意讹其文遂为思虑之虑失其源矣

人姓名古今同者甚多且以近时论之唐有蔡京汉有王甫唐独孤郎 有郑居中徐岱字处仁嘉兴人于学无不通见本 霍光 宣纪廷尉光注李光韩文有刘正夫英宗时台官有赵鼎

王孙贾入市曰淖齿杀闵王欲与我诛者袒右市人从者四百人诛淖齿周勃诛吕用左袒之防本此

北人以乳酪拌樱桃食之摭言新进士重樱桃宴刘覃及第樱桃初出和以糖酪人享蜜画一小盎不啻数升

汉文欲任贾谊为公卿絳灌之属皆害之毁谊曰洛阳之人年少初学専欲擅权纷乱诸事天子后亦踈之其后人告絳侯谋反繫长安狱谊専以防耻励臣下为言以讥文帝谊不懷前怨而卒言待大臣无礼以感悟上此君子用心也及观袁盎为文帝言絳侯功臣非社稷臣且言臣主失礼自是上益莊丞相益畏絳侯尝以毁我责盎其后系请室诸公莫敢为言惟盎明絳侯无罪絳侯得释盎无言其言正故前不阿絳侯后不遂非谊不懷前怨盎不遂前非皆勃之幸也

烂柯多用棋事聽琴亦然水经晋民王质伐木入信安县室坂见童子四人鼓琴质倚柯聽之既去烂柯去家已数十年

曲江周府君碑府君后汉人碑陰戟门吏皆云曲红古字简多借用故以红为江酈元不曉其义载曲江县乃云昔号曲红又云曲山名以地势攷之武谿自北来自西入海古郡城在其上眎江水正曲何名为山哉

春秋谷洛鬪以为灾异水经载韦昭云洛在王城南谷在北周灵王时谷水盛出王城西南流洽于洛两水相格有似于鬪以此观之凡州郡有两水者皆如此亦常事也

岭外人家婴儿衣暮则急收不可露夜土人云有虫名暗衣见小儿衣必飞毛着其上儿必病

寒热久则瘦不可疗其形如大蝴蝶又水经豫章迳阳县多女鸟元中记曰新阳男子于水际得之与共居生二女悉衣羽而去豫章间养儿不露其衣言是鸟落尘于儿衣中令儿病亦谓之夜飞游女由此观之乃暗衣也

书古今皆云程邈变篆为之水经注王次仲变苍颉旧文为今 书始皇以次仲所易字简便于事三召不至次仲履真懷道穷术数之美则变 不自程邈始自王次仲始也 始于秦然水经载临淮人发古塚得铜棺为 字言齐太公世孙胡公之棺惟三字是古 又知 非始于秦也

袁盎之兄子种谓盎曰丝能日饮无何是侄字叔也晁错父谓错曰公为政用事侵削诸侯防人骨肉公何为也又曰吾去公归矣是父公其子也

斩首几级谓斩敌一首拜爵一级谓一首为一级见卫青 注今云取其人首级非也

雕印文字唐以前无之唐宋益州始有墨板后唐方镂九经悉收人间所藏经史以 板为正见两朝国史

物去其势豕曰豮见易牛曰犗见佛书马曰扇见五代史鸡曰敦犬曰阍见俗语

钱有字漫见汉西域 賔国以金银为钱文为骑马幕为人面张晏注钱文面作骑马形漫面作人面目如淳曰幕音漫师古曰幕即漫耳

琉璃西域注云师古曰大秦出赤白黑青黄绿缥绀红紫十种此自然之物采泽光明逾于众玉今俗所用皆消石汁加以众药灌而为之大虚脆不贞实非真物

从官知州陞监司止押检乃祥符五年诏知制诰观察使以上知州上书押检见三朝国史

历书七十二 惟桃桐菊言华至菊又言黄华桃以 婚姻桐以待鳳盛于二三月得阳之盛菊非得霜不盛开于九月十月得陰之盛然则其他皆不可言华菊以黄为正东坡亦载朱勃之言

士大夫学佛不杀生固善事然其胷次所存铸笔成金一念之间杀人无数至于政事喜怒有絕防人门户者乃区区为一螺蚌蚬蛤不肯庖宰而曰畏杀生云者吾不知也三代以来周公孔子行事何尝劝人杀物命哉但不暴殄天物穷极滋味而已祭祀賔客之资甘防供养之奉有不可畧者未尝以戒杀生故絕也孟子最明此牛羊何择闻声不忍食其肉之类尽之矣

三命家言支干者见白虎通甲乙干也子丑支也不当言干当言干也夏正以平旦为朔商以鸡鸣为朔周以夜半为朔亦见白虎通汉云夜半朔旦冬至者用周历也

三命家行小运男起丙寅女起壬申其說往往穿凿许慎說文包字象人懷妊已在中象子未成形元气起于子子人所生也男左行三十女右行二十俱立于己为夫妇懷妊于己巳为子十月而生男起己至寅女起己至申故男年始寅女年始申小运起寅申蓋本于此亦三陰三阳之位也男必丙寅以丙禄在己女必壬申以壬禄在亥寅申己亥之位亦水火之盛也

李德裕穷愁志周秦行纪论谓牛僧孺身与帝王妃后 遇证其身非人臣相懷异志于图防云云所恨未暇族之若不在当代必在子孙湏以太牢少长咸寘于法牛李之党如宗闵之徒则小人也僧孺无大过恶而德裕恨之如此之深亦过矣至欲防其族则德裕乃忍人也僧孺岂能为篡逆身死之后子孙岂有反者信圖防而妄加人以防族之罪恐天地不容鬼神不赦卒死朱崖未必非报也开元中御史周子谅言牛仙客亦以姓符圖防子谅杖死于朝堂亦报也仙客不可为宰相是已加以名应圖防之罪则妄也防云首尾三鱗六十年两角犢子自狂颠龙蛇相鬪血成川谓之自狂颠言不能成事何足畏也终唐之世无牛姓为盗者防又何足信哉

汉食货志金三品黄金为上白金为中赤金为下孟康注曰白金银也赤金铜也故天下皆曰白金为银其后曰造银锡白金既造银又造白金则白金疑非银也恐是金之白者赤金亦金之赤者耳金三等以色之浅深为别汉武纪收银锡造白金则银与白金昭然为二物

汉文时日蚀以为丞相周勃所致退勃使就国宣帝时日蚀以为杨惲书所致遂杀惲成帝时日蚀以为相王商所致罢商

遂为母子如初见左 遂为父子如初见邹阳 注汉有甲令乙令甲令见吴芮賛着甲令以称忠乙令见张释之 注

四至九卿司马安见汲黯 许商详见周堪

今妇人削去眉画以墨蓋古法也释名曰黛代也防去眉毛以代其处也

大曲新水歌乐昌公主与徐德言破镜复合事为中元日事本事诗云他日必以正月望日卖于都市后果如其言乃上元非中元也

周礼卿执羔注云羔羣而不失其类介甫云羣而不党致恭以有礼春秋繁露云凡贄卿执羔羔饮于其母必跪而乳类有礼者介甫前說本于注而小不同不失其类与不党则有间矣后說则全用繁露也

鲁直诗多用居然字晋宋间语也范坚云居然许宗之请庾敷云防众人中居然独立后稷诗云居然生子此其本也